

BOPAKI BJA HLATSE YA THEREŠO

 Ke a go leboga, Ngwanešu Neville, Morena a go šegofatše. Moso wo mobotse, bagwera. Ke monyetla go ba morago mo ka ntlong ya Morena, mosong wo, le go bolela gape ya kgale, kanegelo ya kgale ye re e boletšego mengwaga ye yohle, go batho ba bantši, gore ka fao gore mogau wa Modimo o bonagetše go rena, ka Jesu Kriste.

² Gomme re thabile kudu go tseba lehono gore re kopanela mogau wo go dikologa lefase, le batho mogohle, go tseba gore Modimo o ne bana ba Gagwe mogohle. Mohlomongwe dinako tše dingwe ga re e bone tlwa feela ka go rena seng, bjalo ka ge re tla dira goba re swanetše go dira. Eupša ka mehla ge e le nakong ya bothata, ke ge mebalia ya kgontha e bontšha.

³ Gomme yeo ke ye nngwe ya dikgopololo tša ka mosong wo, gore nka se tsebe mokgwa wa go hlagiša go lena batho, go leboga ga ka le go le thabela, bakeng sa se le re diretšego, bjalo ka lapa, mo nakong ya rena ya bothata le tlhoko. Bokagosafelego bo nnoši bo tla kgona go . . . ke tla kgona go le hlalošetše se segwera sa lena se sekaone sa go botega se rilego go rena ka go nako ye ya bothata bja rena, ge go tloga, go ya Gae ga mme. Ga se ka ke ka lemoga se go bego go se ra, bontši kudu go swana le bjale, bjalo ka ge go be go era ge yo mongwe a etla go go bona ge o babja.

⁴ Makga a mantši mo ke kitimilego kgahlanong le mathata ao, a go ba dipitšo tše ntši kudu tše nka se kgonego go di dira, gomme ke retoletše dipitšo tša ka go badiredi ba bangwe, le go nthuša go feta. Gomme ka gona ka go lemoga gore e hlola manyami a manyane; ka gore, mohlomongwe mohlampi ba biditše modiredi yo mongwe yo, le bona, eupša ba mpiditše go tla. Gomme go no ntira ke ikwele gore ke duma ge nkabe ke na le maatla a godimodimo a mohuta tsoko, go dira yo mongwe le wo mongwe wa bona.

⁵ Ka gore ke a tseba, ge ke rometše bakeng sa ba go fapana go tla, ka fao gore yo mongwe le yo mongwe o tla thwi mo nakong; gomme ka fao, se e bego e se ra go nna, go ba bona ba bonagala. Gomme go lena batho ba le dutšego nakong ya bošego le mme, Kgaetšedi Wilson mo, le Ngwanešu Fred Sothmann le mosadimogatše wa gagwe, le, oo, bontši kudu bja lena. Gomme ba bantši kudu ba neetše tirelo ya lena gore re be re se ra swanela go e amogela, eupša le neetše tirelo ya lena; ba bantši kudu gore go ka be go bile yo mongwe, le yena, a fetola metsotso ye mengwe le ye mengwe e sego mekao. Le bile bose kudu.

⁶ Gomme ka nako ye re bego . . . re bile le yena a robetše ka legaeng la poloko, ka fao le tlago le go etela, le go šikinya diatla tše rena, le go bea matsogo a lena go re dikologa, le go re fa

kwelobohloko ya lena. Ga se ka ke ka lemoga gore seo se be se era bontši kudu, go fihla se etla go nna. Matšoba, a dikgare le diroto go tšwa mogohle, bontši ebile ga se ba kgone go a bea ka holong ya poloko, ba ile ba swanela go a bea morago ka dikamoreng. Ka fao gore...ga se nke ka nagana go no romela sehlopha sa matšoba go boletše bontši kudu, go fihlela nako yela.

⁷ Gomme ba bantši ba lena ba rometše dikarata go tšwa mafelong a go fapanā, gomme ba re...dikarata tša kwelobohloko, ba bea tšhelete ka go yona go thuša ntle ka ditshenyegelo le dilo. Ga se ka ke ka lemoga gore mpho ye nnyane go yo mongwe goba selo se sennyane sa go swana le seo se ka ra bontši kudu, go fihla se etla go nna. Modimo a fele a le šegofatša kudu!

⁸ Ke thabile kudu go tseba gore ke karolo ya batho ba ba nago le mohuta wo wa moya. Ke thabile kudu go tseba gore ke nna ngwanabolena. Gomme ke a tshepa gore nka se tsoge ka swanela go e bušetša ka mokgwa woo, eupša ka tsela tsoko ye nngwe.

⁹ Ka gona nna, ke eme ka legaeng la poloko, lehlakoreng la mme, le ba bantši ba ba tlago ka gare. Gomme batho ba bangwe ba ba lebeletšego, mohlomongwe, mohlomongwe motho go wa mengwaga ya ka, gomme o tšea seatla sa ka gomme a re, "Billy, e bile nako ye telele." Ke be ke tla lebelela morago, ke sa kgone go ba elelwa, ba be ba fetogile kudu. "O rerile polokong ya lesesa la ka. O rerile polokong ya mme wa ka. O tlide go nna, ka bja go tonya, bošego bja leswiswi." Gomme, dilo tšeō tšohle boka tšeō.

¹⁰ Ka therešo e hlagiša Lentšu la mopesaleme, ke a dumela e be e le. "Boka borotho godimo ga meetse, bo tla bowa go wena letšatši le lengwe."

¹¹ Gomme ge nkabe ke na le, ke kgona polelo go lekanelā, goba ke na le polelo, ke be ke tla rata go no botša yo mongwe le yo mongwe wa lena se ke se naganago. Eupša nka—nka se kgone go dira seo gobane ebile ga—ga ke tsebe ke e hlagiše bjang. Eupša ke e bolela ka tsela ye, gore, lena, yo mongwe le yo mongwe, le tla tseba se ke se rago. Ke a le leboga, go tšwa mabotebong a pelo ya ka.

¹² Le ka fao Lengwalo le phethagaditšwego, "Gopolang merwalo ya lena seng, gomme le phethagatše molao wa Kriste." E bile...

¹³ Go sepela ga gagwe go be go le se sengwe seo se bego se tlabā go nna. Gomme ga se ka ke ka tsoge ka lemoga gore gobaneng Moya wo Mokgethwa o se wa mpotša pele, bjalo ka ge ke boletše nako ya mafelelo ge ke be ke le ka phuluphithing mo, ka mosong wola. Gomme ba mpoditše gore o be a ehwa nako yeo, ka sepetlele. Ga se ka e amogela, ka gore O be a se a mpotša gore o be a eya. Bjale, ka nnete, re lemoga se, gore go na le dilo tše ntši tše A di dirago, A ka kgonago go di dira, gomme o a dira, ga A swanela go re botša e ka ba eng. O no re botša... Gomme

ke tseba selo se tee se, go le bjalo, gore O se dira se šome mmogo bakeng sa go loka.

¹⁴ Gomme mosong wo, ge ke robetše malaong, ke nagana ka seo: Wa mathomo go ya, ka lapeng la borena, e be e le ngwanešu wa ka, Edward. Gomme ke be ke le ntle Bodikela ke šoma polaseng ge a eya. Ke be ke se gae, eupša ke mmone, efela modiradibe, ke mmone ponong pele a be a ka ya.

¹⁵ Wa go latela go ya e bile Charles. Ke bile... O ile ka pela, ka pelapela. O be a... Ke be ke rera tlase fa ka go ye nnyane, ya lekhalate, kereke ya Pentecostal bošegong bjoo, ge Charles a bolailwe godimo go tselalephefo, ke sefatanganaga.

¹⁶ Wa go latela go ya e be e le papa, o ile ka tlhaselo ya pelo, a hwela ka matsogong a ka. O neetše soulo ya gagwe go Modimo; o ile ka pelapela, ka pela.

¹⁷ Wa go latela go ya e bile Howard. Ke be ke le ntle ka Bodikela maikhutšong, go theoga noka, Go Se Bowe, ge difofane di fojetše ka gare, di wele boka dipharatšhute tše nnyane, gore, "O be a ile." Eupsa nna, nneta, ke mmone a eya, mengwaga, mengwaga ye mebedi goba ye meraro pele a eya. Re tsebile o be a eya.

¹⁸ Eupsa mme e bile yena a nnoši a šetšego. Gomme ke naganne mohlomongwe ke ka lebaka leo ga se A mpotša. Bohle ba bona ba eya ka pelapela kudu, gobaneng, O... Bohle ba bona ba ile ka pelapela, ntle le mme. O dikadikile dibeke tsoko tše tshela, thwi mo dibekeng tše tshela.

¹⁹ Eupsa nka no bolela se, go e hlagiša. Tlhologelo ya ka e be e le go ema hleng le mme wa ka, le go neela soulo ya gagwe go Modimo, ge a ile. Selo se sengwe sa go tlaba se nthometše ntle go ya sepetelele mosong wola, mosadimogatša le nna. Gomme o be a le fase gabotse. Gomme selo sa mafelelo ke kgonago go mo elelwaa a se dira, ge nka kgonaa—kgona go bolela le yena. O be a sa kgone go bolela. "Mme, ge o sa rata Kriſte, gomme O ra se sengwe le se sengwe go wena, dumela ka hlogo ya gago." Gomme o be a tla kgothula hlogo ya gagwe, gomme megokgo e be e tla keleketla go theoga sefahlego sa gagwe. O be a sa ra se sengwe le se sengwe, thwi mo bofelong bja tsela. Ke mo phaphathile lerameng, gomme ka goga sefahlego sa gagwe go dikologa ka diatla tša ka, gomme ke rile, "Mme, o lešole la nneta. Ke ikgantšha ka wena."

²⁰ Ke naganne, "Ke makala ka fao Sathane a ka bego a boletše, boka a dirilie matšatšing a Jobo?" Le a tseba, Modimo a ka se tsee maphelo a renna; Sathane o swanetše go dira seo; re no ba re retollelwaa go Sathane.

²¹ Gomme Sathane o e tsebile, a tseba gore nako ya gagwe e ttile, o tsebile gore o be a eya go ya, o rile go Modimo, "O a tseba, o na le mošemaneyo e lego moreri, bana ba bangwe ba ba ipolelago go ba Bakriste. A nke ke no mo kgeiganya nakwana, ke tla ba dira bohole ba Go gane."

²² Aowa, ka mogau wa Modimo! Gomme selo sa mafelelo o dumetše ka hlogo ya gagwe go sona, gore Kriste o be a sa le se sengwe le se sengwe go yena, ge a be a eya.

²³ Ke be ke etla gae, ka gopola, “Gabotse, ga se...” Ka ya ka gare, ka ema fale ka kamoreng. Ka topa Beibele, Beibele ye mpsha. Gomme ke rile, “Morena, Wena o Modimo. Ga ke... Ga se wa swanelo go mpotša se O se dirago. Eupša ke nno makala ge eba O tšwetšepele, lebaka O dirile seo, go mo tšea, a e be e le (gobane) go lesa go roba pelo ya ka? Ge go le bjalo, a O ka nkhomotša ka Lentšu la Gago.”

²⁴ Gomme ke e dirile, le a tseba, ka fao o tšeago Beibele le go no E goga go bulega ka mokgwa *woo*. Ke nno tšea menwana ya ka le go kitimiša tlase, ka E bula. Mateo 9, maletere a magolo a mahubedu a tšwele ntle, “Ga se a hwa, eupša o robetše.” Le a bona, gomme selo sa pele mahlo a ka a wetše godimo ka Lengwalong, ge ke lebeletše fase.

²⁵ Seo, nnete, bjale, ga ke šomiše Beibele bakeng sa poto ya Ouija, le a tseba. Re no se dire seo. Eupša ke be ke kgeigile ka nako yeo ka, ke dumela gore Modimo o ntirile go bona seo. Ka baka la gore, seo se latetše, se e kgonthišitše gabotse.

Bošegong bjoo, ka nnete, e be e le bošego bja go se dudišege.

²⁶ Gomme mosong wo o latelago ke be ke le ka... tsoga. Ke a thanka e be e ka ba ka iri ya seswai, ka kamoreng, seswai goba mohlomongwe moragorago. Ke thoma go bona bana ba etla ka gare, ba tliša bana ba digole go tšwa mogohle. Go be go lebega o ka re e dirile e ka ba poloko ya toropokgolo bophara, gomme e ka ba dipoloko tše pedi tša poloko ya toropokgolo botebo, tša feela bana ba go tlaiséga. Ka lehlakoreng la nnglele le ka lehlakoreng le letona, batho ba be ba dutše, gomme gohle go bapa, go bonagetše o ka re e be e le godimo godimo. Gomme go mohuta wa, stediamo, go kitimela tlase gomme morago go tla godimo gape ka mafelelong a morago, go thibela bona batho ba morago go tloga... E sego go bona; ba kgonne go lebelela pele go yona. Ge ke be ke eme, ke apere sutu ye bolou, ke naganne, “Bjale se se a tlabu. Ke—ke a tseba ke eme ka kamoreng kua gae, eupša fa ke ka go sutu ye bolou.”

²⁷ Gomme ke be ke hlabeletša moopelo, “Ba tlišeng ka gare, ba tlišeng ka gare,” go direng mahlakore a mabedi go opela, “tlišang ba bannyane go Jesu, ba tlišeng ka gare go tšwa lefaseng la sebe.”

²⁸ Gomme fao go be go le mohumagadi wa go tsebega o tsene morago ga stediamo. Ka mokgwa wo mongwe, wo mongwe, ke be ke tseba gore o be a etla ka gare. Eupša o thomile go tla godimo go kgabola batheeletši.

²⁹ Gomme ke be ke nno tšwelapele ke hlabeletša dipina gomme... “Ba tlišeng ka gare!” Ke tla re, “Lehlakore *le* e opeleng, ‘Ba tlišeng ka gare!’ Ka lehlakoreng *le*, ‘Ba tlišeng ka gare,’ ka mokgwa *woo*, ‘tlišang ba ba sesellago go Jesu.’”

³⁰ Gomme ke be ke eya go rapelela bohole ba bannyane ba, bana ba go tlaišega, le balwetši.

³¹ Gomme mohumagadi yo o tlide le go ya le pokising, pele boka ka thietha, moo go lego boka moo batsebalegi ba dutšego, goba le pokisi la Mopresidente. Goba, le tseba se ke se rago, ka go mohuta wola wa lefelo, go la ka la nngele.

³² Mohumagadi o be a sa tšo tsena ka gare. O retologile go dikologa go batho ba bangwe bao ba bego ba le fale, gomme a no inamiša hlogo ya gagwe. Ke lemogile o be a apere mohuta wa fešene ya kgale. Gomme mohumagadi o retologile go dikologa go inama go nna, feela pele. Gomme ke be ke sepeletše godimo ka phuluphithing nako yeo go rera. Gomme feela ge a swaretše hlogo ya gagwe fase, gomme ka retologa go dikologa ka mokgwa wo, go yena.

³³ Gomme ge ke phagamišeditše hlogo ya ka godimo, gomme o phagamišeditše hlogo ya gagwe godimo, a ntebile, e be e le mama. Gomme a ntebelela, gomme a myemyela. O be a le yo moswa, yo moswa ka nnete. Gomme Segalontšu se segolo sa go duma se šikintše lefelo, gomme mantšu a tlide pele le go re, “Se tshwenyege ka yena, o bjalo ka ge a be a le ka 1906.”

³⁴ Gomme ge pono e ntlogetše, ke lebeletše go, go bona se 1906 e bego e le. Woo e be e le ngwaga wo a bego a le monyalwa go tate wa ka. Gomme ke—ke a tseba bjale, le nna, gore ke karolo ya Monyalwa, Monyalwa wa Jesu Kriste.

³⁵ Ka mehla ke tla hlologela mme. O be a le bose le go ratega go rena bohole. Ke kgona go gopola go šikinyega ga gagwe ga kgale, diatla tša go tlhakgasela, ge Delores a ile a swanela go tiša letsogo la gagwe, thwi fale, go mo fa selalelo ka nako ya mafelelo ge a be a le ka tabarenekeleng, ntle le ge poloko ya gagwe e rerilwe.

³⁶ Ke nyaka go bolela selo se sengwe. Gomme thwi ge mme a be a eya, ka go se tlwaelege, go se akanyetšegepele, re be re sa tsebe o be a eya ka nako yeo. Eupša Ngwanešu Neville o tsene ka gare. Mosadimogatša wa ka o rile, “Ge eba nako ye nngwe nkile ka bona Ngwanešu Neville a thabile, e bile nako yela,” o rile, “Ga ke tsebe gobaneng, eupša feela se sengwe, feela . . .” Ka fao Modimo a šomago dilo tšela! Ngwanešu Higginbotham o be a le fao le yena, yena yo a sa tšwago go fa molaetše feela dinakwana di se kae tša go feta, o sepetshe . . . o dutše mo lebating la holo. Gomme Ngwanešu Neville o tlide ka gare. Gomme ke tlišitše bana go dikologa malao, gomme ke rile, “Bjale a nke bohole re ye tikologong, gomme re be . . . a nke Ngwanešu Neville.”

³⁷ Mama ka mehla o ratile go kwa Ngwanešu Neville a rapela. O be a no rata go mo kwa. O rile, “O boletše feela boka, a hlokofetše, o be a bolela le Modimo.”

³⁸ Yeo e bile ya mafelelo a kwelego ka ditsebe tša gagwe, Ngwanešu Neville o be a eme, a rapela. Gomme ke be ke

swere diatla tša ka godimo ga hlogo ya gagwe, le se setee godimo ga seatla sa gagwe, gomme ge a be a rapela. Gomme ge a be a sa le ka thapelong, Modimo o mmiditše. Gomme ke ikwetše yela ye nnyane, ya go se tlwaelege kudu e thuhlulana, gomme ke lebeletše go dikologa. O be a retolotše hlogo ya gagwe le go ntebelela, gomme ke tsebile o be a eya. Kafao ke rile, "Ramaatlakamoka Modimo, ke neela soulo ya gagwe go Wena bjale." Gomme o... boka phefo e tlide go kgabola kamora, gomme o be a ile go kopana le Modimo. Kafao, letšatši le lengwe la letago ka lehlakoreng le lengwe, ke tla mmona, lekgarebe.

³⁹ Nnete, re a mo tseba bjale bjalo ka mme wa kgale wa go kgahlemana, a roromela. Ge a bile le bana ba gagwe, lesome la bona, go be go se boka re dira lehono. Re be re se ne tsela ya sebjalebajale, gomme re be re se ne tšelete go e fihlelela. Mme o be a tla ba le lesea la gagwe, a re re, mosong wo, gomme morago ga sekgalela se o be a tla hlatswa. Gomme e ile ya no mo kgahlemany.

⁴⁰ Eupša e sego mme wa kgale wa go šikinyega ka motlhakgaselo e thothomela godimo ga gagwe, eupša lekgarebe le lebotse o tla ba ka Mmušong wola wo o lego mošola.

⁴¹ Gomme ke naganne ka khomotšo ya Modimo, go ntira ke tle go nakwana yeo. Gomme ka gona thwi ka morago ga ge go fedile, ka gona mpotšeng gobaneng. Gomme ka gona a mpha mantšu ao a go homotša, ka pono ya mme wa ka.

⁴² Kagona, bagwera, Ebangedi ye ke e emetšego, ke E šeditše ge e etla tlase go diiri tša lehu. Ke E bone godimo ga mme wa ka. Ke E bone godimo ga mosadimogatša wa ka. Ke E bone godimo ga banešu ba ka. Ke—ke tseba se e se rago ge o etla bofelong bja tsela, ka boitemogelo le Modimo. E ra se sengwe. Kafao bjale ke ikemišeditše, ka mogau wa Modimo, go ya go kotara ye nngwe le ye nngwe ya lefase, yeo A tla nthomago, go sebopiwa se sengwe le se sengwe nka kgonago, le go rera Ebangedi ye, gobane Ke Maatla a Modimo, go ya phološong.

⁴³ Go tsebeng se, gore ge bophelo bjo bo fedile, re ne bophelo ka lehlakoreng le lengwe, moo re boelago morago go batho ba baswa gape, gomme re tla phela ka Bogoneng bja Gagwe le go šegofala ga Gagwe, go ya go ile le go ya go ile. Ke a tshepa gore mme yo mongwe le yo mongwe yo bohlokwa ka fa, le morwedi yo mongwe le yo mongwe, morwa yo mongwe le yo mongwe, le tate yo mongwe le yo mongwe, o tla hwela Moreneng. "Le Moya o bolela bjalo; ka gore ba khutša go tloga go ditapišego tša bona, gomme mešomo ya bona e a ba latela." Letšatši le lengwe la go kganya re tla ya le go ba bona! Ee.

⁴⁴ Ge seo se se bjalo, gona gobaneng re eme fa mosong wo, re rera ka lefeela? Eupša, bagwera, bodumedi bja rena ga se bija lefeela. Ke Maatla a Modimo, a lekilwe thwi tlase ka teko ya esiti

ya lehu. Ka ditlaišego, ka mohuta e ka ba ofe wa tsela e nyakago go tla, ke phapano efe e dirago? Re ya go kopana le Modimo.

Bjale ke duma go...Ke bile...re bile le madulo go yo mongwe le yo mongwe.

⁴⁵ Gomme ke nyaka go tsebiša, ke a dumela bošegong bjo ke selalelo. A yeo ke nnene, Ngwanešu Neville? [Ngwanešu Neville o re, “Yeo ke nnene.”—Mor.] Bošegong bjo ke bošego bja selalelo. Gomme yo mongwe le yo mongwe ka...

⁴⁶ Ke nno nagana, ka se sengwe ka selalelo. Fao go be go le motho yo a itšego, letšatši le lengwe, o ile kerekeng, gomme o ile a swanelo go ba le thekisi go tla go mo tšeal le go mo tšeela tlase kerekeng. Ke monna wa go šokiša ka kgonth. Gomme o ile tlase le go tšeal selalelo, gomme moagišani wa gagwe o mohuta wa, oo, mohuta wa yo mongwe wa balsa bale ba go hlahlatha bao ba sa tsebego Modimo. Gomme o botšišitše moagišani wa gagwe, o rile, “O ile kae mosong wo, ka kolointef yela?”

⁴⁷ O rile, “Ke naganne...” Yena, monna, le gannyane ga a ne borotho mo tafoleng. O rile, “Kereke e tšeal selalelo, kafao ke ile tlase go tšeal selalelo.”

O rile, “Selalelo ke eng?”

O mmoditše se e bego e le, “Borotho le beine ya Morena.”

⁴⁸ O rile, “Ke bile le tše dingwe, le nna.” O rile, “Ke bile le pane e tletše dipisikiti le khote ya wisiki.” Gomme godimo ga tafola ya gagwe, thwi ka pela, a wela ka go tlhaselo ya pelo. Ba mo lebeletše go sepela ka motsotso e ka ba ofe. Le se ke la ba go nyatša bodumedi. Le se ke la hloka tlhomphokgolo. Le a bona? Hlomphang Lentšu la Morena, le a bona, ka gore ga re tsebe motsotso wo re yago go biletšwa go araba, gomme, go Modimo.

⁴⁹ [Ngwanešu o re, “A o ya go ba mo bošegong bjo?”—Mor.] Bjale ntshwarele? [“A o ya go ba mo bošegong bjo?”] Ke nepile go tla. Ee. Ba mpotšišitše ge eba ke be ke eya go ba fa bošegong bjo. Ke nepile go kwa moreri yo mokaone bošegong bjo, ge nka kgona, Ngwanešu Neville. Eupša, ke nepile go tla go bošego bjo bongwe le bjo bongwe bja selalelo. Ke nagana gore ke mešomo ya rena, bontši bjo re ka kgonago.

⁵⁰ Gona ge go lokile, ge go thabiša Modimo, le go thabiša kerek le go Ngwanešu Neville, ke nyaka go ba fa Lamorena la go latela, gape, ge Morena a rata. [Ngwanešu Neville o re, “Amene.”—Mor.] Gomme ge go lokile, le a bona. [“Oo, amene. Ee.”]

⁵¹ Gomme ke—ke no nagana gore ke nyaka go fa bonnyane bjo bongwe le bjo bongwe bjo bonnyane bjoo ke kgonago, nthathana ye nngwe le ye nngwe ya maatla ao ke a tlogetšego, bakeng sa Mmušo wa Modimo; se sengwe le se sengwe, go phološa soulo ye nngwe le ye nngwe yeo ke tsebago go e phološa bjang. Gobane, morago ga tšohle, ke tla dira eng mosong wo ge mama a be a se

Mokriste, ge re be re se na le kholofelo yela ya go šegofala ya lehlakore le lengwe? Ge ke...

⁵² Ke a elelwa, thwi tlase ka tlase ga ntlo ya ka, ke mo kolobeditše, mengwaga ye masometharo tee ya go feta, Leineng la Jesu Kriste; feela ka tlase ga ntlo ya ka, fale mo nokeng. Ke kgona go no mmona a etla godimo bjale, le go nkgokara. Seo se be se era bontši ka moka. Ke rile, "Mama, letšatši le lengwe re tla go bea ka lebitleng la leraga." Ke rile, "Eupša yo a dumelago, gomme a kolobetšwa, o tla phološwa." Yeo ke... Ya.

⁵³ Gomme kafao ge nkabe ke se ka thopela soulo ye nngwe go Modimo, go feta fao ka mme wa ka, matsapa a mangwe le a mangwe a filwe makga a milione. Ya. Ee, mohlomphegi. Yeo ke nnete.

⁵⁴ Bjale bakeng sa palo ya Lengwalo, ke ne Mangwalo a mabedi. Kafao ke nyaka go bala le lengwe la wona pele, gomme morago re tla ba le thapelo, gomme morago ke nyaka go bala le lengwe. Gomme lena ba le ka ratago go bala le nna, phetlang ka Dibeibeleng tša lena go ya go tema ya 1 ya Ditiro. Gomme ke rata go tsebiša sehlogo sa ka, mosong wo, ge Morena a rata. Bjale, lebaka... Ke na le Mangwalo a mantši le dinoutse mo go bolela ka tšona. Nka se leke go le swarelela botelele kudu.

⁵⁵ Eupša ke leka go ithuta, go dula ka kamoreng. Gomme ge Morena a sa mphe e ka ba eng, seo ke naganago se a swanela...

⁵⁶ Ke nyaka phuthego ye le bohle go tseba. Ga ke tle tlase fa feela go bonwa. Ke tla tlase fa, e sego ka gobane re hloka modiredi. Gobane, ke nagana modiša wa rena ke yo mongwe wa ba bakaonekaone ba lego ka dinageng. Yeo ke nnete tlwa. Ga se seo.

⁵⁷ Eupša, ke a tla gobane gore ke ikwela gore Modimo o beile pelong ya ka Molaetša woo o tla thušago batho ba. Le a bona, se sengwe seo se tla ba thušago. Gomme mmogo, le modiša wa rena yo bohlokwa, bobedi bja rena re eteletšwepele ke Moya wo Mokgethwa, re bea nako ya rena mmogo, le go e boloka, go go phološa ga soulo ye nngwe le ye nngwe re ka kgonago. Gomme ke tla mosong wo, gobane ke ikwetše gore Moya wo Mokgethwa o mpha, Molaetša woo o tla thušago kereke. Gomme ke ka lebaka leo ke lego fa.

⁵⁸ Bjale ka go tema ya 1 ya Puku ya Ditiro, re thoma go bala go temana ya 1.

*Sengwalotaodišo ya pele ke e dirilego, O Theophilia,
ya tšohle tše Jesu a thomilego... go di dira le go ruta,*

*Go fihla letšatši le a tšeetšwego godimo ka go lona, ka
morago ga fao... ka Moya wo Mokgethwa o file ditaelo
go baapostola bao a ba kgethilego:*

*Go bona gape o ipontšitše yenamong go phela ka
morago ga tshotlo ya gagwe ka dinetefatšo tše ntši*

tša go se ganetšege, go bonweng ke bona matšatši a masomenne, le go bolela ka...dilo tše di amanago le mmušo wa Modimo:

Gomme, a kgobokane mmogo le bona, o ba laetše gore ba se ke ba tloga Jerusalema, eupša go letela tshepišo ya Tate, ye, go boletše yena, le e kwelego ka nna.

Gobane Johane ka therešo o kolobeditše ka meetse; eupša le tla kolobetšwa ka Moya wo Mokgethwa e sego matšatši a mantši go tloga bjale.

Ge kagona ba tlide mmogo, ba botšišitše...yena, ba re, Morena, a ka nako ye o tla bušetša gape mmušo go Israele?

Gomme o rile go bona, Ga se ga lena go tseba dinako goba dihla, tše Tate a di beilego ka maatleng a gagwe mong.

Eupša le tla amogela maatla, ka morago...Moya wo Mokgethwa o tlide godimo ga lena: gomme le tla ba dihlatsa go nna bobedi ka Jerusalema, le ka...Judea, le ka Samaria, le go fihla dikarolong tša kgolekgole tša lefase.

Gomme ge a boletše dilo tše, ge ba sa lebeletše, o ile a tšeelwa godimo; gomme leru le mo amogetše go tšwa pele ga bona.

Gomme ge ba sa lebeletše go tia go leba legodimong ge a be a eya godimo, bonang, banna ba babedi ba eme hleng le bona ka diaparo tše tšhweu;

Ba gape ba rilego, Lena banna ba Galelia, gobaneng le ema le lebeletše godimo legodimong? Jesu yo wa go swana, yo a tšeetšwego godimo go tloga go lena go ya ka legodimong, o tla tla ka mokgwa wa go swana bjalo ka ge le mmone a eya ka legodimong.

⁵⁹ A re inamišeng dihlogo tša rena feela nakwana, bakeng sa thapelo.

⁶⁰ Tate wa rena wa Magodimong, bjale re tla ka go go batamela, Leineng la Morena Jesu, go neela pele ga Gago, sa pele go fa ditebogo ga rena bakeng sa se O re diretšego; gomme ka gore, ka godimo ga dilo tšhole, netefatšo yela e šegofetšego ye e khutšago ka dipelong tša rena, gore re phološitšwe; re phološitšwe go tšwa lehung, re phološitšwe go tšwa heleng, re phološitšwe go tšwa bophelong bja sebe, re phološitšwe go tšwa go dilo tša lefase, gomme re bileditšwe go Selalelo se segolo sa Monyanya wa Morwa wa Modimo. Re Go rata bjang, Morena, bakeng sa se! Go feta bophelo go rena; ke Bophelo bjo Bosafelego!

⁶¹ Gomme re kgobokane mosong wo, Morena, go fa ditlhagišo tše ka go dipina, ditebogo, gomme ka go rereng Lentšu, go roba Lentšu la Bophelo go bao, Morena, mohlomongwe mo, ba ba sa

Go tsebego. Gomme ke kganyogo ya rena, le tlhogeloa ya rena le maikemišto, gore Se lehono e tla ba sehola sa ba bantši, ba ba sa Go tsebego, ba tla le go ipolela dibe tša bona, le go bitša godimo Leina la Morena, le go ba le dibe tša bona di tlošitšwe, ka go ipolela dibe tša bona le go kolobetšwa, go hlatswa go tloša sebe sa bona. Gomme ka gona, Tate, re tla rapela gore O tla tlatša yo mongwe le yo mongwe ka Moya wo Mokgethwa, ka gore Ke Leswao la tshepišo ye Modimo a re filego yona.

⁶² Re tla kgopela gore O tla elelwa bohole bao ba babjago le go tlaišega le go hloka, lehono. Ka gore ka therešo lefase le ka seemong sa tlhoko, tšohle ka baka la gore ga re retologele go Wena bakeng sa tshireletšo ya rena le botšabelo bja rena.

⁶³ Ka fao re ka naganago, mosong wo, ka ga dinako ka Beibeleng, ge batho ba be ba le bothateng le tlalelong, ka fao ba biditšego baprofeta godimo, gomme ba bantši ba banna ba bagolo ka matšatšing ao, ba be ba gopola gore baprofeta bao ba be ba le ditseketeke le—le batho ba go tšhoga. Gomme, yeo, ba ka no ba ba bile, eupša efela ba bile le Lentšu la Morena. Modimo, lehono, re hloka bjang go bolela morago go Lentšu la Modimo. Ba re boditše ka nako ya bofelo, gomme go tla ba eng. Gomme a re, bjalo ka Bakriste ba kgonthe, re lebelele bopaki bja bona—bja bona, gomme, Tate, gona re fe bohlatse go lefase. E fe, Morena.

⁶⁴ Fodiša balwetši ba ba lego magareng ga rena mosong wo. Ka gore re a lemoga, Morena, gore wa go lapa, wa go kgathala, mmele wa go babja o goga go dikologa, o ka se kgone go ipshina ka ditšhegofatšo tša Modimo ka mo ba bego ba ka kgona ge ba be ba le gabotse. Gomme re a lemoga, bjalo ka Bakriste, gore re phela kgole kudu ka tlase ga menyetla ya rena. Gore, ga O re kganyoge go ba ka mokgwa woo, go lapa le go kgathala, le go kitimela tlase le go fokola. O re duma go tlatšwa ka Moya wa Modimo. E fa seo go rena, Morena, ge re letetše Molaetša wa Gago kgolekgole. Leineng la Jesu re a e kgopela. Amene.

⁶⁵ Bjale, ge le ka phetla gape ka go Lentšu, go Mokgethwa Johane 3. Ke rata go bala ditemana di se kae go tšwa go Mokgethwa Johane, tema ya 3, go thoma ka temana ya 31, e ka ba ditemana tše tharo tša se, go hwetša kgwekgwe ye nnyane ya se ke ratago go se bolela. Yo ke Jesu a bolelago, Mokgethwa Johane 3:31. Gomme theetšang sekgauswi go Lentšu la Gagwe.

Yo a tšwago godimo o ka godimo ga tšohle: yo a lego wa lefase ke wa lefase, gomme o bolela tša lefase: yo a tšwago legodimong o ka godimo ga bohole.

Gomme se a se bonego le go se kwa, ke seo a se pakago; gomme ga go motho a amogelago bopaki bja gagwe.

Yo a amogetšego bopaki bja gagwe o beile go leswao la gagwe gore Modimo ke therešo.

⁶⁶ Ke rata go bala temana yela ya 33 gape, go bea kgatelelo godimo ga temana yela ya 33.

Yo a amogetšego bopaki bja gagwe o beile go leswao la gagwe gore Modimo ke therešo.

⁶⁷ Bakeng sa sehlogo mosong wo, ge le ka...Ke nyaka go šomiša se, *Bopaki Bja Hlatse Ya Therešo*. Bopaki le bohlatse! Ke ka lebaka leo ke badilego Mangwalo a mabedi a go fapano, le lengwe la bopaki le le lengwe la bohlatse.

⁶⁸ Bjale, bopaki. Pele... Motho o swanetše go ba le boitemogelo pele a ka paka. Ge o ka be o bileditšwe ka kgorongtsheko, o be o swanetše go, bjalo ka, go fa bopaki. O swanetše go tseba se sengwe pele o ka paka.

⁶⁹ Gomme hlatse ke motho yo a bonego se sengwe, yo a tsebago gore ke therešo. Gomme ba biditšwe go fa bohlatse. Gomme, gona, hlatse e swanetše go tseba se a bolelago ka sona. O swanetše go se be, “Yo mongwe o mpoditše selo se se itšego-itšego.” O swanetše go be a le hlatse, yenamong. Ge go se bjalo, o bolela ka yo mongwe gape yoo a ka bago hlatse mo go lefelotiragalo.

⁷⁰ Bjale, ke nagana gore, ka gore re bona ntle go tšwa phuthegong ya rena, gore bophelo bo tsagatsagana kudu, gona, gore lehu le na le bonneta kudu, re hloka go tla lefelong mo re nago le nnete ya maleba gore Se seo re bolelago ka sona se a rereša. Le a bona? Ga se selo o ka kgonago ka go no kgitimpela, bjalo ka ge re ka bolela, go Le amogela. O swanetše go ba le nnete ya maleba gore Ke nnete, gobane ga re tsebe ke mohuta ofe wa bofelo re tla tlago go bjona.

⁷¹ Bjale, lebaka le letee ke lego monagani wa Bocalvini, wa tshireletšo ya modumedi, ke ka baka la gore, ke a dumela, gore ge monna goba mosadi a le ka monaganong wa bona wa maleba, yeo ke nako ya go amogela Morena Jesu. Gomme a e dire yohle e rarollwe nako yeo, gatee go ya go ile. Gobane, ge re etla bofelong bja tsela, ga re tsebe feela kae le ka fao re yago go babja. Re ka no ba re babja ka monaganong wa rena, go ka no ba le letadi leo ka kgonthe le tla apeago bjona bjoko bja rena, gomme re ka no bolela e ka ba eng goba go dira e ka ba eng mo bofelong bja tsela. Ga re tsebe. Eupša, le a bona, ge re šetše re kgwapareditše ka go Kriste, ga go kgathale ke bolwetši bofe bo re tšeago, goba ke seemo sefe re lego ge re eya, e šetše e rarolotšwe.

⁷² Re swailwe go fihla letšatši la topollo ya rena. Baefeso 4:30, e re, “Le se ke la nyamiša Moya wo Mokgethwa wa Modimo, wo le swailwego ka wona go fihla letšatši,” e sego la lehu la gago, eupša “la topollo ya gago.” Le a bona, ka morago ga ge lehu le fedile, o sa tswaleletšwe.

⁷³ Bjale, go fa bohlatse, go bile dilo tše ntši le dipotšišo tše ntši ka monaganong wa batho, gomme go bile ka go wa ka.

⁷⁴ Ge ke eme dibeke di se kae tša go feta, ge mme wa ka a be a sa phela, gomme a kgona go kwa, ke be ke le ka lehlakoreng le tee la mpete, gomme kgaetšedi wa ka a eme kgauswi le nna. Gomme mme o lebelela godimo, gomme o rile, “Wa ka wa pele le wa ka wa mafelelo.” Ke nna leitšibolo la gagwe, Delores ke wa gagwe wa mafelelo. Ka bašemane ba senyane gare. . . . Goba, go ne bašemane ba senyane le mosetsana. Gomme mme a thoma go bolela gore, “Bill, o mphepile.” Gomme ka gobane, ke a thanka, go beng ka bodireding, ke be ke kgona kudu go e dira. “Gomme o ntlhokometše. Gomme, Delores, o nthatile le—le go nthuša go dira mošomo wa ntlo ya ka le go hlatswa.” Gomme o rile, “Morago, Bill, o ntlhahletše go Kriste gomme o šeditše godimo ga ka, semoyeng. Gomme ge ke be ke le phošo, ga se o dikadike go mpotša gore ke be ke le phošo, le—le gore ke swanetše go e lokiša.”

⁷⁵ Gomme ke rile, “Gomme, mama, re ne . . .” Ba bangwe ba bašemane ba a nwa. Gomme ke rile, “Re robile pelo ya gago.”

⁷⁶ Gomme, bjalo ka lerato la mme, o rile, “Billy, seo sohle se ya go dira lebili le legolo.”

⁷⁷ Ke rile, “Mama.” O tsebile o be a sa ye morago gae, goba o rile o be a se, morago go 409 Maple. Gomme o rile go nna. . . . Ke rile, “Mme, ge ke be ke sa no ba mošemane yo monnyane, ke tsebile go be go le Modimo, gobane ke bone Motho wa Gagwe ka dibopego tša go fapana.” Gomme ke rile, “Ke. . . . Sa pele, ke. . . .” Go beng ka lapeng la rena, gomme re dutše hleng le Mna. Wathen godimo fale ka Utica Pike, gomme re be re sa tsebe selo ka kereke. Ba be ba le Katoliki.

⁷⁸ Gomme ke rile, “Ke thoma go ithuta. Bjale, bjalo ka ge kereke ya Katoliki e bolela gore, ‘Modimo o file Maatla a Gagwe a magolo go kereke ya Gagwe, gomme o rile go kereke ya Gagwe, bontši kudu go beng mmele wa badumedi, ‘E ka ba eng o e dirago, go lokile.’” Gomme ke rile, “Gona ge. . . . ke ithutile seo. Ka gona ka thoma go hwetša ntle fao gabotse go na le makgolo a senyane a mebele ya go fapana ya badumedi ye e kgatlofaditšwego. Gona ge Modimo a file maatlataolo a Gagwe go kereke ya Gagwe, gomme a ba boditše, ‘E nong go fediša Lentšu le. Ga le Le hloke, yeo e no ba histori. Gomme—gomme ka gona o ya pele le go dira, gomme eng kapa eng o e bolelagoo tla loka; e sego Beibele, eupša kereke, eng kapa eng kereke e se boletšego.’ Mama, ke be nka se kgone go thea tumelo ye e itšego. Gobane, kereke ya Katoliki e bolela selo se *tee*. Kereke ya Lutheran e re ‘Ke ka tsela *ye*.’ Kereke ya Methodist e rile, ‘Aowa, bobedi ba phošo. Go ka tsela *ye*.’ Kereke ya Baptist e re ‘Go ka tsela *ye* nngwe.’ Gomme ditumelo tše makgolo a senyane tša go fapana, nka se thee tumelo go seo.”

⁷⁹ Eupša ke rile, “Se ke se dirilego, mama, ke ile morago le go bala Beibele. Gomme ke rutile feela tlwa ka tsela *ye*

bona baapostola ba E rutilego. Ga se ka tsoge ka fapanan nthathana e tee. Moo ba rilego ‘kolobetšo Leineng la Jesu Kriste,’ ke rile ‘kolobetšo Leineng la Jesu Kriste’! Moo ba rilego ‘kolobetšo ya Moya wo Mokgethwa,’ ke rile ‘kolobetšo ya Moya wo Mokgethwa’! Gomme ke E rutile feela ka tsela ye ba E rutilego. Mama, ke na le dipoelo tša go swana tše ba nago natšo! Gomme ke bona Modimo wa go swana yo a tliego ka thuto ya bona, Modimo wa go swana yo a tloga ka magareng ga rena le go dira selo sa go swana A ba diretšego morago kua. O re direla lehono. Kagona, tshepišo ya Gagwe ke, ‘Yo a jago nama ya Ka gomme a nwa Madi a Ka o ne Bophelo bjo bosafelego, gomme Ke tla mo tsoša gape ka matšatšing a mafelelo.’”

Lentšu ke bopaki bja Modimo.

⁸⁰ Go ne dihlatsé tše dingwe re ka di bitšago, mosong wo. Yo mongwe wa bona, a re naganeng ka mohlare. Ke lehlabula la ngwaga, gomme ge nako ya lehlabula e le fa bjale. Gomme re tše letlakala, le le swanago le bophelo. Gomme re, ge re tswetšwe gape, re letlakala godimo ga Mohlare wa Bophelo.

⁸¹ Gomme mohlare wo woo re o bonago ntle fa ka dikgweng, bophelo mafelelong bo a tloga, bo goga go tloga go letlakala, ka baka la gore sehla se fedile go ba letlakala. Gomme bophelo bjola bo tlogela letlakala, gomme letlakala le tla hlohlorega ge bophelo bo le tlogela. Bohle re na le nnete ya kgontha ya seo, ge re le lebelela go tšwa go wona mafastere a rena bjale. Gore, ka pela ge bophelo bo tlogela letlakala, letlakala le tla hlohlorega.

Gomme woo ke mmele wo re o bolokago.

⁸² Eupša bophelo bjo bo bego bo le ka lettakaleng leo, bo ya morago mo bo tšwago, go theoga go kgabola mohlare, go ya modung. Gomme fao bo dula ka modung wa mohlare, go fihla sehla se sengwe. Ka gore sehla se, letšatši le šišinyegile go tloga, goba lefase le šišinyegile go tloga go letšatši, gomme le latela o—o obiti ge le eya go dikologa; gomme le kgolekgole, gomme boso bja go tonya bo lebile lefaseng. Kagona modu, o swere bophelo bja lettakala lela go fihla lefase le bowa morago go dikologa gape, gomme ka gona ga go tsela ya go tsoge wa uta lettakala lela go tloga go tleng morago gape. Le tla tla morago feela ka kgontha bjalo ka ge letšatši le bowa morago! Le tla tla morago. Eupša le swanetše go letela sehla se sengwe, pele le etla morago.

⁸³ Gomme lehono seo se re fa bopaki bjo bogolo, bjalo ka bohlatse bja Modimo wa tlholo. Ka gore, gore ge re le ka sehleng sa bophelo bja go hwa, re godiša bana ba rena, re nyala le go tliša pele malapa, bjo ke bophelo goba sehla sa bophelo bja go hwa. Eupša ge re tswetšwe ka Godimo, mmele o boela leroleng go tšwa moo o tšwago, gomme moyo o ya tlase moo o tšwago gona, goba o ya godimo, a ke re, moo o tšwago gona, go Modimo Yo a o filego, gomme fao go tla tla sehla se sengwe. Gomme sehla seo, se se tloga, e tla ba sehla sa go se hwe. Gomme ge Morwa

wa Modimo a tsoga ka phodišo diphegong tša Gagwe, go tla ba mo go sa kgonegego ka go felela go swara mebele yeo ka mobung botelele bjo bo itšego. E tla tla pele ka phadimo ya Morwa wa Modimo. Yona tlhago ka boyona e paka ka seo.

⁸⁴ Kafao ge re le Mokriste, gomme re tswetšwe ka Moya, lehu ga le kgone go re swarela selo eupša phenyo, gobane mmele wo wa kgale wa go senyega, woo Sathane, a sa nago le maatla godimo ga wona, o tla wela ka go lerole la lefase. Eupša ge sehla sela! Se ke sehla sa go fošagala bjale; se ke sehla sa go hwa. Eupša sehla sa go se hwe se etla ge Yena wa go se hwe a etla. O tla tliša le Yena meboya ya go se hwe yeo e boetšego go Yena, go tloga lefaseng, gomme ba tla tla pele gape ka tsogong, bakeng sa Mileniamo wo mogolo, gomme ba tla phadima ka Letagong la Gagwe.

Se sengwe le se sengwe lefaseng se fa bopaki.

⁸⁵ Letšatši le hlaba ka Bohlabela, go laetša mathomo a bophelo; le ya godimo gomme le dikela ka mantšiboa. Mosong, dinonyana di a tsoga le go opela, gomme di thabile, re ikwela boswa; mantšiboa, re lapile ge letšatši le dikela. Le fa bopaki gore fao go bophelo le lehu; letšatši le ile la tswalwa, letšatši le ile.

⁸⁶ Mohlare o phetše, matlakala a hlohllorega. Modimo o bolokile, ka medung ya mohlare, moo bophelo bjo bo hlogilego, moo bo thomilego, tlase ka medung, bo...ile pele le go dira matlakala bakeng sa moriti, go tla morago gape moo bo tšwago gona. Feel a go khutša, go tla ka sehla se sengwe.

⁸⁷ Bophelo ka go letšoba le lennyane, leo le rothago go tšwa go peu, bo boela go felotsoko moo re sa tsebego kae. Eupša modula ohle o ka no ya ka ntle ga peu, gomme peu e bola ka mobung. Eupša go le bjalo fao go bophelo ka kua, bjo bo utilwego bakeng sa tsogo gape.

Se sengwe le se sengwe se bolela ka, se fa bopaki.

⁸⁸ Bjale, ke bile le monyetla wa go sepela kudu go dikologa lefase. Gomme ke kwele mabodumedi a go fapania. Ke kwele mebono ya go fapania. Ke kwele Mohammedan, Buddha, le Masikh, Majain, gomme, oo, makgolo a mantši a mebono ya go fapania ya bodumedi, medimo, medimogadi, le dilo tšeо tšohle. Eupša ga go le bo tee bja wona, ga go le botee bja wona, ga go le botee bja wona bo nago le tshetlana e tee ya Therešo ka bjona!

⁸⁹ Bodumedi bjo bja Bokriste ke bodumedi bja maleba; lehu, poloko, le tsogo. Tlhago yohle, magodimo lonamong, le lefase, di paka ka yona. Ke hlatse ya Modimo go batho ba Gagwe, letšatši le lengwe le le lengwe, gore go na le lehu, poloko, le tsogo. Sehla se sengwe le se sengwe se feta bokagodimo ga dihlogo tša rena; re bona lehu, poloko, le tsogo. Kafao, re a tseba gore ye ke Therešo. Bokriste, motheong, ke Therešo. Bo fa bopaki bja bjona.

⁹⁰ Gomme go ya go bontšha gore e dirilwe ka bjo bogolo, Bohlale bja godimo, go hlankela morero. E mo ka morero.

Modimo o be a se a swanela go dira mehlare ka mokgwa woo. O e dirile ka mokgwa woo, le ge e fapano, o motee go tloga go o mongwe, le go ya pele. O dirile yohle yeo bakeng sa morero wa Gagwe, go fa bohlatse le go fa bopaki. A ka be a dirile mehlare boka se sengwe seo se ka—se ka bego se bile se sengwe gape, boka maswika. A ka be a dirile mehlare ka tsela e ka ba efe A nyakilego. A ka be a dirile matšoba ka tsela e ka ba efe A nyakilego. Eupša O e dirile go bea bohlatse, ka gore ke dihlatse tša Modimo. Ke yona hlatse ya therešo, gore mabodumedi a mangwe ohle ke maaka, gomme Jesu Kriste o a rereša. Lehu, poloko, le tsogo, e fa bohlatse gore ga se ra hwa ka Gosafelego, eupša re phela gape. Go bontšha Bohlale bja godimo!

⁹¹ Re ka no, ge nako e ka dumelela... Yeo, ga re nyake go tšeа bottelele kudu. Eupša re ka bolela gape... Gomme, e sego go itshwantšha renabeng. Ye ke tabarenekele moo re nago le Dithuto tša rena beng le Dithuto tša rena, gomme le ke lefelo moo nkago go ruta se ke naganago se lokile.

⁹² Ke nyaka go lemoga Bohlale bjo bongwe, go bolela ka mogau wa Modimo woo o bonagetšego go rena. A le etše hloko, selo sa pele ke modu, selo sa bobedi ke lehlaka, selo sa boraro ke kenywa, gomme seo se a e fetša.

⁹³ Tokafatšo, modu; tlhwekišo, lehlaka; le kenywa, Peu ya setlogo. Gomme yoo ke Martin Luther, John Wesley, le kolobetšo ya Moya wo Mokgethwa; tokafatšo, tlhwekišo, le kolobetšo ya Moya wo Mokgethwa. Seo se fa bopaki go mebono ya rena ka Lengwalo. Gomme ke na le tasene ya dilo di ngwadilwe thwi mo, tše nka kgonago go bolela ka tseo, tseo, tša dilo tša go fapano tše di beago bohlatse. Ka go lebelela dilo tša tlhago, di paka ka dilo tša semoya. Tokafatšo, medu; tlhwekišo, lehlaka; le kolobetšo ya Moya wo Mokgethwa, kenywa ye e tlago pele go tšwa go dipuelo tša modu le lehlaka.

⁹⁴ Modu wola o tlide go tšwa go peu. Peu e be e swana le ye e ilego ka mobung, e morago gape.

⁹⁵ Gomme lehono: re phetše go kgabola lebaka la Luther, re phetše go kgabola lebaka la Wesley, gomme bjale re phela ka go lebaka la Balopollwa, la pentecostal. Ke eng? Go tliša morago yona Kereke ya gó swana, sona selo sa go swana seo se bjetšwego ka Letšatši la Pentecost. Tlhago yonamong e fa bopaki go yona; go no swana le ge e efa bopaki go lehu, poloko, le tsogo.

⁹⁶ Oo, go Modimo wa Kagosafelego, le go mabopaki a Gagwe! Ge re ka kgona feela go lebelela go dikologa, o bona Modimo ka seatleng se sengwe le se sengwe, re Mmogetše a paka letšatši ka letšatši. Re dira bjang ka boomo, ka go hloka tsebo go thetšwa godimo ga dilo tšela, bonolo bjola? Gobaneng, mohlare wo mongwe le wo mongwe o a re rerela. Letšoba le lengwe le le lengwe le a re rerela. Serapa se sengwe le se sengwe se a re rerela. Lefase ka moka le a re rerela. Modimo ke Modimo, gomme

re bona Letago la Gagwe. Gomme efela re thetšwa ka boomo godimo ga yona, le go neelana ka dilo tše, le go lahlela mahlo a rena go tloga go dilo tše bjalo, le kelello ya rena, go dilo tša lefeela tša lefase, go kgotsofatša kganyogo ye e phelago ka moyo wo re o dumelelago go buša maphelo a rena. Ka fao re swanetšego go tlogela moya wola, le go hwetša Moya wa Modimo!

⁹⁷ Tlago yohle, mogohle, e a paka! Magodimo, mafaufau, dilo tše ntši kudu! Nna, ke dutše ka boithutelong bja ka, maabane, ke ngwadile fase; nka se be le nako go ya go yona. Eupša o ka no lebelela go dikologa go selo e ka ba sefe seo Modimo a se hlotšego, se fa bopaki go letago la Gagwe. E ka ba eng, tlholo e ka ba efe ya Modimo, e fa bopaki go Modimo, le bakeng sa morero wa Gagwe. E bontšha Bohlale bjo bogolo bja godimo!

⁹⁸ Ke eme ka ntlhoreng ya dithaba gomme ke bogetše seksgwa sa mapygmy, feela e ka ba bogodimo *bjoo*, seo dinku di se jago, dinku tša lešoka, le go bona seksgwa sa mapygmy godimo *fa*. O ya tlase pejana gannyane, gomme e tsena ka go hemloko, tlago ya go fapania, mohuta wa go fapania wo o phelago ka lefelong la go fapania. Pele go theoga pejana gannyane, gomme o tsene phaeneng. Pele go theoga pejana gannyane, ka go mehlašana ya go tsupoga. Go tšwa go yeo, o ya ka go sethokgwa sa tholo, poratšhe. Pele go theoga, go ya go yeo, go ya ka go bjang. Gomme pele go theogela ka go woo, ka go ngwang. Gomme pele go theoga go ya ka leganateng, moo go sego selo. Wo mongwe le yo mongwe, sele le bophelo bja wona mong, bo bolela ka tikologong ya wona le mo ophelago, ke feels Modimo yo bohlale a ka kgonago go dira selo se sebjalo! Yo mongwe le yo mongwe, bophelo bja motho ka motho. O bona mohlare wa mopalema ka Florida, o bona mohlare wa mouku ka—ka Amerika, le mohlare wa go kunyuga ka dithabeng ka Rockies; wo mongwe le wo mongwe, bophelo bjo bo aroganego, go fa bopaki go letago la Ramaatlakamoka Modimo.

⁹⁹ Šetšang lewatle le legolo ge o ema hleng le lona. Gomme mekubogo ya lona ya go befelwa e betha leši, ka pefelo ye bjalo, go fihla e nwelela le go taboga boka mpša ye e befetšwego bofelong bja ketane. Le be le tla nweletša lefase ge le be le ka kgonia; le be le tla lapa ka sebe sa lona. Eupša Modimo o beile mohlapetši godimo mošola ka mafaufaung, a bitšwago ngwedi, gomme O beile mellwane ya lewatle, gore a ka se kgone go feta e ka ba eng gape. Gomme mohlapetši yola o le šeditše, mosegare le bošego. Ge a retollela mokokotlo wa gagwe, go lebelela go dikologa go leba go Modimo, go bona se Modimo a bogegago boka, phulawatle e tla nyonyobela ka gare; eupša ge a retolla sefahlego sa gagwe gape, phulawatle e ya kgole. O šeditše mellwane yela, gomme ga a kgone go ya. Ge a retolla mokokotlo wa gagwe, phulawatle le tla ngwegela ka gare; eupša ge a retolla sefahlego sa gagwe gape, phulawatle e kitimela morago. Modimo o beile mohlapetši. O dira eng? O fa bopaki gore Modimo wa

Genesi, Modimo wa Beibele, o dula e le Modimo! Ke bopaki, gore, ke Yena!

¹⁰⁰ Re ka bitša ba bangwe gape, ba baprofeta ba Testamente ya Kgale, ka fao ba fago bopaki bja tswalo ya Kriste. Mohlala, ka go Jesaya, tema ya 9, Jesaya 9:6. Makgolo le makgolo a mengwaga pele e direga, baprofeta ba fa bopaki. Gomme ba rile, “Re tswaletšwe ngwana, re neilwe morwa.” Ba e tsebile bjang? Motho yo a tswetšwego ke mosadi a ka kgona bjang, go tseba selo se sebjalo? Motho a ka kgona bjang, mengwaga ye makgolo pele e direga, a bolela tlwa se se tla diregago, “Re tswaletšwe ngwana, re neilwe morwa”? O boditše, “Leina la gagwe o tla bitšwa Moeletši, Mokgoma wa Khutšo, Modimo yo maatla, Tate wa gosafelego.”

¹⁰¹ Boditše moo A tla tswalwago. Moprofeta, ka tlase ga tšhušumetšo, o rile, “Wena Bethlehem ya Judea, a ga o yo monyennyanne gare ga bakgoma bohle? Eupša go wena go tla tšwa Mmušiši!”

¹⁰² Ke eng e rathilego baprofeta bale? Ke eng e ba šušumeditšego? Go lebanya mola ga phethagalo! E sego feela seo, eupša baprofeta ba boletše se A bego a tla se dira. Baprofeta ebole ba Mmone a tswalwa, moo Yena, a bego a tla tswalwa, ka fao A bego a tla tswalwa. E sego lesea la tlwaelo, feela lesea le le tswetšwego go mosadi tsoko; E rile O tla tswalwa ka tsela ya semaka, O tla tswalwa ke kgarebe, “Kgarebe e tla ima.” Ke eng e ka go ratha motho wa go hwa go mo dira a bone seo, makgolo a mengwaga pele e direga? Ka go nepagala ka go phethagala, tlwa mo mothalong! Bolela ka bopaki bja Sephedi sa godimo, Modimo wa go phela! E sego feela seo, eupša o boletše moo A tla tswalwago, le ka fao A tla tswalwago.

¹⁰³ Boditše se lefase le tla se bolelago ka Yena. O boditše wona maswao le dilo tše di tla Mo latelago, go netefatša O be a le Mesia. O netefaditše gore O tla ganwa. Gomme le, ka Moyeng, o ile a tsetsela Mantšu a Gagwe go tšwa sefapanong, makgolo a mengwaga pele A tswalwa.

¹⁰⁴ Dafida, ka Moyeng. Bjalo ka ge ke rata go bolela ka yona, bjalo ka ge Jesu a boletše kua, “Gobaneng Dafida, ka Moyeng, a Mmitša ‘Morena?’” Dafida, e sego Dafida, eupša Dafida ka Moyeng! Fao go phapano ye ntši gare ga Dafida, le Dafida ka Moyeng. Go na le phapano ye ntši gare ga kereke, le kereke ka Moyeng. “Gobaneng Dafida, ka Moyeng, a Mmitša ‘Morena,’ ge A be a le Morwa wa gagwe, a re, ‘Morena o rile go Morena wa ka, “Dula wena ka seatleng sa ka se setona.”’” “Ba ka kgona go botšiša, ba se sa Mo araba gape, ba se sa Mmotšiša dipotšišo ka morago ga fao.”

¹⁰⁵ Eupša Dafida, ka go Pesaleme ya 22, o wetše ka go Moya, Moya! Gomme, ge a dirile, ebole o file Mantšu ao A bego a a tsetsela sefapanong. “Modimo wa Ka, Modimo wa Ka, ka baka

la eng O Ntlogetše? Marapo a Ka ohle, a Ntebeletše! Le ka fao ba thothobeditšego diatla tša Ka le maoto a Ka!”

¹⁰⁶ Efela, “O gobaditšwe bakeng sa karogo ya rena,” go tšwa go moprofeta yo mongwe, “o tlpirigantšwe ka baka la bokgopo bja rena, tsholo ya khutšo ya rena e be e le godimo ga Gagwe; gomme ka megogoma ya Gagwe re fodišitšwe.”

¹⁰⁷ Go nepa, phethagalo ya baprofeta bale, ga go Lentšu le tee ba boletšego ka Yena eupša se se diregilego. Diprofeto tše šupa tša mafelelo di filwego ke Yena, di arabilwe ka go diiri tše šupa tša mafelelo godimo ga sefapano. Ka fao Lentšu le lengwe le le lengwe le phethagaditšwego, ga go selo se tee se tlogetswego se se sa dirwa!

¹⁰⁸ E bolela ka eng? Bohlale bja godimo. E be e se banna bao. Banna bao ba be ba no ba banna go swana le wena le nna. Eupša ba be ba šušumeditšwe ke Sephedi sa godimo se se bego se efa bopaki gore rena, ka molokong wo, gomme ka go meloko ye e tlagi, le meloko yohle magareng ga bona le mo, o kgonne go lebelela godimo ga Lentšu la Gagwe le go tseba gore ke therešo. Ke bopaki gore Lentšu la Modimo ke Therešo.

¹⁰⁹ Mediro yohle ya Gagwe e phethagetše. E phethagetše le nakong. Ga e foše iri e tee. Dinako tše dingwe re nagana e ya go dira, eupša ga e dire. Ka morago ga ge go fedile, re bone ga se etle ka pela e ka ba gofe, e be e ka se be bokaone e ka ba bofe. E phethagetše, le mo nakong.

¹¹⁰ Le ka letšatšing la rena lehono, ge re bona dipono tše di direga, le tša dilo di direga. Gomme di boleletšwepele, gomme re a makala ge di tla phethagatšwa, se se tla diregago. Eupša re hwetša gore di phethagetše, le ka nako, tlwa.

¹¹¹ Nka be ke naganne bjang ka mme wa ka, ka fao ke mmonego, a tšofetše le go roromela. Eupša ka gona ge A mpha pono, gomme ke bone seemo se a lego ka go sona bjale, ke tagafatša Modimo! Ke a tseba gore o tla ba gape. Ga se a hwa; o robetše. O ka go Kriste.

¹¹² Ka fao re bonago gore Modimo o boleletšepele dilo tše! Nako ya mafelelo ge ke be ke le ka phuluphithing ya lena, goba phuluphithi mo, ke boletše ka pono ye Morena a mphilego ka go ya godimo ka Leboa, le se se bego se tla direga. Gomme ka fao baisa bale, ba etla go theoga thaba, ba re, “Ngwanešu Branham, o nyaka go mpotša, felotsoko magareng ga fa le thwi tlase fale, seripa sa maele, gore go tla ba le bera ya tšhitšhiboya, ya ntlha silibere? Ga se nke ka ke wa bona e tee pele! Eupša o tla e amogela pele o fihla fale?”

Ke rile, “Seo ke go ya ka Lentšu la Gagwe.”

¹¹³ Gomme e diregile feela ka tsela yeo! Gobaneng? E fa bopaki gore O sa le Modimo, gore ditshepišo tšohle tša Gagwe ke therešo. Modimo o fa bopaki, gomme, mabopaki a Gagwe ke therešo. O fa

bohlatse, gomme bopaki bo Bea bohlatse bja bohlatse bja Gagwe. Bo bolela ka Bohlale. Ee.

¹¹⁴ Ge Jesu wa Nasaretha a tlie lefaseng, yohle mešomo ye maatla ya Gagwe e pakile ka ditleleimi tša Gagwe. Ga go yo motee a bego a swanetše (ga se a ke) a Mmelaela. O rile, “Ge le sa Ntumele, dumelang mediro; ge le sa kgone go Mmona go ba Modimo.”

¹¹⁵ “Wena o itira ka Bowena! O le motho, Wena o itira Modimo ka Bowena.”

¹¹⁶ O rile, “Ge le sa kgone go Ntumela, gona dumelang mediro; ka gore ke mabopaki a Modimo, a bea bohlatse gore Ke nna yo Ke boletšego gore Ke be ke le yena. Ge le sa kgone go Ntumela, dumelang maswao ao a bego a swanetše go Ntatela. A Mesia o be a se a swanela go dira dilo tše?” O be A le eng? Bopaki! A beile bohlatse bja tleleime ye nngwe le ye nngwe A e dirilego.

¹¹⁷ Mareta o eme kua kgauswi le Jesu, gomme ngwanabo a hwile le ka lebitleng. Go bola go be go tsene, mmele wa gagwe o be o ile, gomme o be a no bola ntle kua ka lebitleng. Dikhunkhwane di be di šetše di nanampa ka mmeleng wa gagwe, diboko tša letlalo. Gomme sefahlego sa gagwe se be se wetše ka gare. Eupša o rile, “Morena, re a dumela gore Wena o Morwa wa Modimo yo a bego a swanetše go tla ka lefaseng. Re na le nnete ya seo.”

¹¹⁸ O rile, “Ke nna tsogo le Bophelo. Yo a dumelago ka go Nna, le ge a be a hwile, go le bjalo o tla phela. Mang kapa mang a phelago gomme a dumela ka go Nna, a ka se ke a hwa. A o dumela se?”

¹¹⁹ O rile, “Ya, Morena! Ee, Morena, ke a dumela gore O Morwa wa Modimo, yo a bego a swanetše go tla ka lefaseng.”

¹²⁰ “Bjale Ke tla ya go go bontšha gore Ke nna Yo Ke bego ke le, Ke boletše gore ke be ke le. Ke tla fa bopaki go yona. Ke tla netefatša ditleleimi tša Ka, gore Ke nna yo Ke lego. Le mmolokile kae?”

Gomme o rile, “Morena, etla, o bone.”

¹²¹ Ka gona, go laetša dikarolo tša Gagwe tša setho. O llile le bao ba llago. O sega le bao ba segago. O ka go phenyo le bao ba lego ka go phenyo. A re Mmolokeng ka go phenyo.

¹²² O ile lebitleng, gomme a ema fao ge ba tokološa letlapa go le tloša. Gomme fale mmele wola wo monnyane o letše ka fale, le diboko ka go wona, o senyegile, o beilw fase godimo ga lefase, sefahlego sa wetše ka gare, gomme ge go bola go tsena ka gare. O boletše wona Mantšu, “Latsaro, etla pele!” Gomme monna yola, yo a bego a hwile, o eme ka maoto a gagwe le go phela gape.

¹²³ Seo se dirile tleleime ye nngwe le ye nngwe yeo A kilego a e tleleima, gore O be a le Morwa wa Modimo. O be a feta Morwa wa Modimo, O be a le bobedi Morwa le Modimo. O be a le tabarenakele ya Modimo, gobane ga go motho wa bobedi a ka tsogego a ba le maatla boka ao. Go tšere Modimo Yenamong go

biletša morago bophelo bja motho bo be bo hwile le go bolokwa matšatši a mane. Mediro ya Gagwe Mong e pakile ka tleleime ye nngwe le ye nngwe yeo A e dirilego. O be a le Modimo.

¹²⁴ Re a tseba seo ke therešo, gobane O rile e be e le. Bopaki bja baprofeta. Bopaki bja tlhago. Hlatse ya tlhago. Hlatse ya baprofeta. Hlatse ya Jesu.

¹²⁵ Gomme ga se nke A itlogela Yenamong ntle le hlatse. Modimo ka mehla o bile le hlatse ya Gagwe. Gomme ge A be a le mo lefaseng, O rile, “Go bohlokwa go Nna gore Ke tloge; ka gore, ge Ke sa tloge, Nka se kgone go romela Hlatse ye; ye ya go se hwe, Hlatse ya Gosafelego.”

¹²⁶ O tswetšwe ke mosadi, kagona O ile a swanelwa go senya . . . O ile a swanelwa go hwa, a ke re. Modimo ga se a ke a tlogela mmele wa Gagwe go bona go bola. Eupša O ile a swanelwa ke go hwa bjalo ka yo a hwago, go tloša dibe tša rena.

¹²⁷ Eupša pele A tloga, O re tlogeletše Hlatse, Moya wo Mokgethwa. Bontšintši baprofeta bohle, bohle go theoga go kgabola lebaka, moragorago ka mathomong a pele, o boletše ka Hlatse ye kgolo ye yeo e tla bago mo matšatšing a mafelelo, go kereke; Hlatse ya rena ye kgolo, Moya wo Mokgethwa.

¹²⁸ Moya wo Mokgethwa ke Hlatse ya rena. Yena ke netefatšo. Yena ke setswalelo. Ke ditokelo tša mmakgonthe. Ke tokelo ya bodulo go Lentšu le lengwe le le lengwe Modimo a le boletšego. Amene! Ke hlatse gore Kriste o a phela. Gomme ka baka la gore O a phela, le rena re a phela. Ke setatamente sa bohlatse.

¹²⁹ Le Motho yo mobjalo go tla ka matšatšing a mafelelo, go hlahlala Kereke, go be go swanetše Modimo go botša batho ba Gagwe gore O tla ba fa. Baprofeta bohle, go nyakile, ba fa bohlatse go go tleng ga Gagwe, ga Moya wo Mokgethwa.

¹³⁰ Mengwaga ye makgoloseswai pele e direga, Joele, morwa wa Pethuele, o profetile gore O tla tla. Mengwaga ye makgoloseswai pele e direga! Morwa yo mogolo yo wa Pethuele, moprofeta; a sengwa setseketske, go tshereana, wa go tshoga, maikutlong, go hlakana bjaša; o profetile, Joele 2:28, gomme a re:

. . . go tla tla go phethega ka matšatšing a mafelelo,
go boletše Modimo, Ke tla tšhollela ntle moywa ka
godimo ga nama yohle; gomme barwa ba lena le barwedi
ba lena ba tla profeta . . .

. . . godimo ga balata ba ka le bahlankagadi ba ka Ke
tla tšhollela ntle go moywa ka, gomme ba tla profeta.

Gomme Ke tla bontšha matete ka magodimong
godimo le faseng fase, maswao, dipilara tša mollo le
muši le meetsemoya.

Gomme go tla tla go phethega, pele ga letšatši le legolo
la go šiiša la MORENA le ka tla, gore mang le mang a tla
bitšago go leina la MORENA o tla phološwa:

¹³¹ Mengwaga ye makgoloseswai pele ga ge Hlatse ye kgolo ye e etla, morwa wa Pethuele o pakile ka Yona, o profetile ka Yona. Ke eng e rathilego moisa yola yo monnyane?

¹³² Mpotšeng se se ka kgonago go botša monna, yo a “tswetšwego ke mosadi, wa matšatši a se makae gomme a tletše bothata.” Seo ke se a lego sona. Mpotšeng se se ka kgonago go hudua go beng gona ga gagwe ga ka garegare, gore a kgone go lebelela go kgabola sebakabaka le nako, le go bona Hlatse ye kgolo ye e etla kerekeng mo letšatšing la mafelelo. Mpotšeng ke eng e ka kgonago go e dira. Ga go selo eupša bohlale, bja godimo, bjo bogolo le Ramaatlakamoka Modimo! Seo ke selo se nnoši se ka kgonago go e dira. Ratha yo a hwago, “Monna yo a tswetšwego ke mosadi, gomme o tletše bothata, gomme wa matsatši a se makae,” bjalo ka ge Jobo 14 e boletše. “O tla pele boka letšoba, o ripelwa fase; ya, o a senyega, o neela moyo.” Eupša, go mohuta woo wa motho, Moya, bohlale bja yo mogolo, Modimo yo maatla bo ka kgona go roba mellwane yohle le nako, go gatelela tlase go kgabola fale ka Moya wa Gagwe, le go bontšha wa go hwa se se tla diregago. Haleluya!

¹³³ Ge seo e se bopaki bja Modimo yo a phelago, ke eng? Seo se ka e bolelago pele e direga! Amene. Seo se kgonago go e bona pele e direga! Gomme sa e bolelapele, ka bohlale, le go lebanya ga go phethagala gore e direga feela tlwa ka tsela ye a e boletšego. Ge seo e se bopaki, ke eng? Ke eng e ka go bolela bontši ka ga Modimo yo a phelago? Kgonthe, Yena ke hlatse!

¹³⁴ O profetile gore go tla direga, “Mo matšatšing a mafelelo, gore O tla tšollela ntle Moya wa Gagwe godimo ga nama yohle.”

¹³⁵ Mengwaga ye masomešupa tlhano morago ga ge Joele a profetile. Jesaya, morwa wa Amotsi o profetile mabapi le Hlatse ye kgolo ye yeo e bego e tla tla go Kereke.

¹³⁶ Ke bolela ka eng? Hlatse, hlatse ya therešo, hlatse ya kgonthe; go Mo tlisa ka tlhago, ka baprofeta, ka Beibebe. Bjale re a Mo hwetša, go tleng tlase ka go letšatši leo A tla fiwago.

¹³⁷ Mengwaga ye masomešupa tlhano, e ka ba mengwaga ye masomešupa tlhano morago ga ge Joele a profetile, ka gona Jesaya o boletše. Morwa wa Amotsi, moprofeta yo mogolo yo a filego Beibebe ya go felela, go tloga go Genesi go fihla go Kutollo, ka go ditema tša gagwe tše masometshela tshela; bjalo ka puku, e ne dipuku tše masometshela tshela ka go yona. Gomme o thomile ka tlholo, ka go Genesi, gomme a felela ka Mileniamong. Monna yo mogolo yo, o boleletšepele ka go tla ga Moya wo Mokgethwa.

¹³⁸ A re nong go ya morago gomme re bale. Ke swere Jesaya 28:11. A re nong go bala lebakana, gomme re hwetše ntle mo se a se boletšego ka go tla ga Moya wo Mokgethwa. Jesaya, tema ya 28, a re thomeng go temana ya 5.

*Ka letšatšing leo MORENA wa mašaba o tla ba bakeng
sa mphaphahlogo wa letago . . .*

¹³⁹ O bolela ka le, letšatši le legolo leo ge Hlatse e tla tla. Mphaphahlogo wa rena ke eng? Moya wo Mokgethwa o re rweša mphaphahlogo!

...mphaphahlogo wa letago, le bakeng sa phetathaga
ya bobotse, go mašalela a batho ba gagwe,

¹⁴⁰ *Mašalela*, “batho bao ba šadišitšwego.” “O tlab a phetathaga, mphaphahlogo wa letago, phetathaga ya bobotse!” Naganang, ye ke mengwaga ye makgološupa pele e direga!

...bakeng sa moy a kahlolo go yena yoo a dutšego
kahlolong... (Seo ke se A re direlago mo aletareng.)

...bakeng sa maatla go bona ba ba retolletšego
ntwa...kgoro. (A nke ke bone.)...ba ba retolletšego
ntwa go ya kgorong.

¹⁴¹ Bona ba ba Mo emetšego gomme le Yena, Moya wo mogolo wo (Moya wo Mokgethwa wo o profitlwego) e tla ba maatla a yo a emego kgorong, ka ntweng. Yena ke maatla a rena. Re ithekga godimo ga Gagwe; e sego godimo ga setšo, e sego godimo ga thuto, e sego godimo ga dilo tša lefase. “E sego ka maatla, e sego ka thata, eupša ka Moya wa Ka, go rialo Morena.” Kereke e khutša ka tiišetšo ka go Seo! “O tla ba maatla a yo a emego kgorong.” E sego bokamorago bja gagwe bja thutamodimo, e sego kerekeleina ya gagwe, eupša Moya wo Mokgethwa e tla ba maatla a gagwe. O tla ba yena yoo a tla emago mo kgorong. O tla ithekga godimo ga maatla a Moya wo Mokgethwa go raka motšwantle.

*Eupša bona boa ba sentšego ka beine, (bjale
theetšang), le ka dino tše maatla ba tšwele tseleng, go
tšwa go “yona” tsela; moprista le baprofeta ba sentše ka
dino tše maatla, ba meditšwe ke beine, ba tšwile tseleng
ka dino tše maatla; ba foša ka pono, gomme ba thekesela
kahlolong.*

¹⁴² Ka mantšu a mangwe, ka *ponong*, ebile ga ba dumele ka go selo se sebjalo. Gomme ka *kahlolong*, ba re, “Oo, ge feela, o tšoena kereke, go lokile.” Gomme re na le eng? Sehlopha sa matagwa. Šetšang se moprofeta a se boletšego. Hlatse ya Modimo še.

*Ka gore ditafola tšohl di tletše tšhila, ya mahlatša le
tšhila, ka fao ga go lefelo le le hlwekilego.*

¹⁴³ Ga go lefelo le le hlwekilego; ditafola. Gobaneng, ba ya ka gare, matagwa le bommalegogwana, le—le go tšeа seripa sa borotho bjo bohwefo le go bo sega, le go dira selalelo, moo ba go hlweka le ba go se hlweke ba jago mmogo. Mahlatša! Ditafola di tletše mahlatša.

*Ke mang yo a ka mo rutago tsebo, ka letšatšing le le
swanago le leo? gomme ke mang yo a ka...dirago go
kwešiša thuto?*

¹⁴⁴ Ke mang ba ka kgonago go e dira, ge ba na le maitemogelo a bona beng a thutamodimo le dilo go itshama ka tšona? Ba ka se ye morago go Lentšu la Modimo. Ba re, “Oo, leo e be e le la lefelo le lengwe. Leo ke la moloko wo mongwe.” Ditafola tša bona di tletše mahlatša. Theetšang moprofeta yo ka bohlale bjo bja godimo bja Modimo bo bolela ka yena.

... *bona ba ba phušitšego go tšwa maswi, gomme ba gogilwe go tšwa matsweleng.* (E sego, masea a kereke!)

Gobane molawana o swanetše go ba godimo ga molawana...

¹⁴⁵ O bolela ka Lentšu bjale. O se ke wa re, “Tate, Morwa, le Moya wo Mokgethwa,” mola E rile, “Leina la Jesu!” O se ke wa re, “šišinya diatla,” mola A rile, “tswalwa gape!”

... *molawana o swanetše go ba godimo ga molawana, molawana godimo ga molawana; le mothalo godimo... mothalo godimo ga mothalo; gannyane mo, le gannyane mola:*

Gobane ka dipounama tša go kekeretša le ka maleme a mangwe Ke tla bolela le batho ba. (Haleluya!)

¹⁴⁶ Ka dipounama tša go kekeretša, “go popoduma.” Mohlomongwe phuthego e nno dula, ka tlhomphokgolo le setu, yo mongwe...yo mongwe a ka kgona go topa go popoduma le go kwešiša se ba se bolelago. “Ka dipounama tša go kekeretša le ka maleme a mangwe Ke tla bolela le batho ba,” go profeta ka Moya wo Mokgethwa. “Dipounama tša go kekeretša, ke tla bolela le batho ba.”

Go yena o rile, Ye ke khutšo...

¹⁴⁷ Bjale, lena baena ba Adventist le tšeago letšatši la bošupa, go reng ka le?

... *Ye ke sabatha, Ye ke khutšo ka go yona o ka dirago ba lapilego go khutša;*...

¹⁴⁸ Modimo, re fe banna ba bagale go ema ka kgorong le Leo, gomme seo se a Le hlatsela!

... *Ye ke khutšo gore o ke o dire ba lapilego go khutša;...ye ke go lapološa: eupša ga se ba ke ba kwa.*

¹⁴⁹ Yeo ke karolo ya go nyamiša, ga se ba E kwa. Ba phagamišitše dihlogo tša bona, le go kwera le go kwera, le go ya pele.

¹⁵⁰ Eupša Jesaya o profetile, gomme o boletše gore, “Go tla direga gore O tla romela Moya wa Gagwe, gomme E tla ba mphaphahlogo wa letago bakeng sa Kereke, le maatla bakeng sa yena yoo a emago ka kgorong.” Re tla tseba bjang e be e le Moya? O rile, “Gobane, ka dipounama tša go kekeretša le ka maleme a mangwe Ke tla bolela le batho ba, gomme ye ke khutšo le go lapološa.”

¹⁵¹ Eupša, bakeng sa sohle Se, ba nyakile mekgatlo ya bona le dikerekemaina tša bona. Gomme ba ile pele ka morago ga ditafola tša bona tša lehlatšo le lefase, le go hlakana ka go maipshino a dilo tša lefase. Ga se ba tswalwa gape. Ba retologa go tloga go Ditherešo, le go ya go dilo tša lefase; le go dira ntlo ya Morena makgapa a ditšhila, moo ba nago ditansi le diphathi, le go ya pele; gomme basadi ba apere diaparo tša go se hlamatsege le dišothi, le go ripa moriri wa bona, le go šomiša meikapo; le dilo tšohle tše bjalo ka tšeoj, bjalo ka ge Beibebe e profetile!

¹⁵² Jesaya o rile ba tla dira seo. Jesaya, tema ya 5 le ya 6. Le baleng, ka fao a boletšego gore basadi ba tla dira seo mo matšatšing a mafelelo. Dihlatse tša Modimo ke therešo. Ba tshepile go mafeela a lefase, sebakeng sa maatla a Modimo, go ba pholosa. Bjale, yeo e bile mengwaga ye masomešupa tlhano ka morago ga Joele.

¹⁵³ Mengwaga ye masometharo ka morago ga tswalo ya Jesu. Ke na le baprofeta ba bangwe ba mmalwa ba ngwadile fase mo. Eupša mengwaga ye masometharo ka morago ga tswalo ya Jesu, fao go be go le mokgoma yola magareng ga baprofeta, (oo, nna) Johane Mokolobetši! Batho bohole ba tsebile o be a le moprofeta go tšwa go Modimo, pulamadibogo ya go tla ga Kriste. Yeo e akanyeditšwegopele gape, ka matšatšing a mafelelo!

¹⁵⁴ Jesu o rile, “Le be le eya ntle go bona eng, lehlaka le le šikinywago ke phefo e ka ba efe, kerekeleina e ka ba efe e mo retolletše ka tsela *ye goba ka tsela yela?* E sego Johane!” O rile, “Le be le eya go bona eng, mohlomphegi tsoko le mohuta tsoko wa ramenagano le yena, go boloka diaparo tša gagwe *feela bjalo le bjalo*, le go mmotša ka fao a swanetšego go apara?” Gomme O rile, “Yona mehuta e atla masea le go dula dipaleising tša dikgoši, le go bolela go dikolo tša setšhaba, le go ya pele; yena ga se mohlabani, yena ga a ntle mothalong wa ka pele, ga a tsebe mokgwa wa go swara Tšoša ya magalemabedi. Le a bona, ke bona mohuta wo o dirago seo. Eupša le ile go bona eng, moprofeta?” O rile, “Bjale, ke re, go feta moprofeta!”

¹⁵⁵ Theetšang mokgoma yo mogolo yo, a etla ka ntseka ya letlalo la nku e tatalwe go mo dikologa, a phela ka merogo ya dithokgweng. Haleluya! Ga go boitemogelo bja thutamodimo ya seminari ka morago ga gagwe; eupša boitemogelo bjo a bo boletšego le Modimo, gomme a tswalwa ka morero go e dira. Lentšu le boletše gore o be a tla tla. Ee, mohlomphegi. A sepelela ntle mašing a Jorodane, ka maoto a gagwe ka lerageng, o rile, “Le se nagane, lena Bafarisei bao le rego ‘re na le Abraham go Tatagorena,’ ka gore ke a le botša, Modimo o kgona ka matlapa a go tsošetša Abraham bana.”

¹⁵⁶ Mokgoma yola wa baprofeta, yo motee yo a bilego le monyetla wa go tsebiša Mesia gomme a bona leswao la Mesia gomme a le lemoga, ge Seetša sela se wele go tšwa Legodimong

gomme se ile godimo ga Gagwe, e be e le hlatse ya sona! O boletše eng ka sona? Lentšu la gagwe šele, moprofeta yola o boletše bjalo ka hlatse.

Ka nnete ke le kolobetša ka meetse go ya tshokologong: eupša yo a tlogo ka morago ga ka yo a lego maatlamaatla go mpheta, dieta tša gagwe ga ke na maswanedi go di tlemolla: o tla le kolobetša ka Moya wo Mokgethiwa, le ka mollo:

Gomme leselo la gagwe le ka seatleng sa gagwe, gomme o tla fefera sebowa sa gagwe ka go tsenelela, le go kgobelā yona korong ka sešegong; eupša . . . tshuma mooko ka mollo wo o sa timego.

¹⁵⁷ O profetile gore go tla tla Hlatse bakeng sa Kereke, Moya wo Mokgethwa! “Ka nnete ke le kolobetša ka meetse; yeo ke thomo ya ka. Ke tla le kolobetša ka meetse, go ya tshokologong.” Haleluya! “Eupša go tla yo Motee ka morago ga ka! Ke bea bohlatse bjo ka meetse, eupša go na le yo Motee a tlogo yo a yago go, romela se sengwe se segolwane. O tla romela Hlatse ye nngwe; e sego meetse, eupša Moya! O tla le kolobetša ka Moya wo Mokgethwa le Mollo.” Haleluya! Hlatse ya Modimo, O tla tloša boleloko bjhohle bja kereke go lena! “O tla le fa hlatse ya therešo, gobane O tla le kolobetša ka Moya wo Mokgethwa le Mollo. Gomme leselo la Gagwe le ka seatleng sa Gagwe. Selepe se beilwe modung wa mohlare; gomme mohlare wo mongwe le wo mongwe wo o sa tlišego kenywa ye botse, o tla matlolelwa fase le go lahlelwa ka mollong. Kagona, sokologang, ebang komana, gobane iri e batametše.” Mokgoma yo mogolo yola, ka fao moprofeta yo mogolo!

¹⁵⁸ Mengwaga ye meraro moragwana, morago ga ge a profetile, Jesu Morena wa rena o feditše bodiredi bja Gagwe, bodiredi bja Gagwe bja lefaseng. O rile, “Go bohlokwa go lena gore ke tlogue. Gobane, ge ke sa tlogue, Moya wo Mokgethwa o ka se tle. Eupša ke ya go Mo romela. Lebakana le lennyane . . . Gomme le nyaka go tseba gore Yena ke Mang. Lebakana le lennyane, gomme lefase le ka se Mpone gape; go le bjalo le tla Mpona, ka gore Ke tla ba le lena, ebole ka go lena, go fihla bofelong bja lefase.”

¹⁵⁹ Ka go Luka 24:49, mo bofelong bja bodiredi bja Gagwe, ge bodiredi bja Gagwe bja lefaseng bo fedile, O rile, ka go Luka 24:49, “Bonang, Ke romela tshepišo yeo mabopaki a a e boletšego. Ke romela tshepišo yeo Jesaya a boletšego ka yona. Ke romela tshepišo yeo baprofeta bohole, yeo Tate a e bontšhitšego ka baprofeta, Ke romela tshepišo ya Tate wa Ka godimo ga lena.”

. . . bonang, Ke tla romela tshepišo ya Tate wa ka godimo ga lena: eupša letang ka toropongkgolo ya Jerusalema . . . Emišang theroylena, emišang go opela, le se ke la dira selo gape eupša eyang godimo kua

toropongkgolo ya Jerusalema, gomme le lete go fihla le hlamišwa ka maatla go tšwa godimo.

¹⁶⁰ Ke mohuta mang wa hlatse e bego e eya go ba yona? “Letang Jerusalema go fihla le feditše mengwaga ye masomepedi ya sekolo sa go phagama goba seminari”? “Letang go fihla le amogetše grata ya lena ya Bachelor ya Bokgabo”? “Letang go fihla le ithutile go—go bolela ka maleme a mangwe, kafao, ge A diregile go le biletša go mašemo a boromiwa, le ka kgona go bolela ka go wona”? Aowa, yeo e be e se yona.

¹⁶¹ E nong go dumelela Maatla go tšwa Godimo a tla, a tla itlhokomela ka bowona ge A etla. “Le leta go fihla le hlamišwa ka Maatla.” O Modimo, gobaneng batho ba sa kgone go bona seo? Ga se go tšoena kereke. Ke go letela Maatla! “Letang go fihla le hlamišwa, ka Maatla go tšwa Godimo, gobane Ke tla Mo romela. Yena ke tshepišo ya Modimo, gomme Ke tla Mo romela. Ke ya go bea bohlatse! Yena, ge A etla, O tla bea bohlatse! Ka gore, A ka se bolele ka Yenamong, eupša O tla bolela ka Nna.” Amene.

¹⁶² Šetšang se A tla se dirago. “O tla tliša dilo tše tše Ke le rutilego.” E sego selo tsoko sa seminari. Eng? “O tla tliša dilo tše tše Ke le rutilego, go kelello ya lena, gore ke Mantšu a Modimo. Le tla lebala ka boitemogelo bjhohle bja lena bja seminari. Le tla hwetša dilo tše, Mantšu ao Ke le rutilego. O tla tliša tšona dilo go gopoleng. Gomme, O tla dira se sengwe gape, O tla le bontšha dilo tše di yago go tla.” Yeo ke Hlatse ya therešo. Yeo ke Hlatse ya therešo ya Modimo. “O tla tliša Ebangedi morago go lena, Moya wo Mokgethwa wo! Le ge O ka tlogelwa lebaka la e ka ba mengwaga ye dikete tše pedi, mohlomongwe ba ka O gatakela ka tlase ga maoto a bona, go thutamodimo ya madirwakemotho; eupša ge A etla, O tla le tliša morago go Lona. E sego feela seo, eupša O tla le botša dilo tše di yago go tla. O tla bolela ka lena, ka dipounama tša go kekeretša le maleme a mangwe. Dilo tšohle tše O tla di dira. Se sengwe le se sengwe seo Modimo a se tshepišitšego, O tla se dira. Ke na le . . . Ke ya go romela tshepišo ya Tate.”

¹⁶³ Ka Pentecost, ge A tlide, ba boletše eng? Ba rile, “Re dihlatsé tša Gagwe. Re dihlatsé gore dilo tše tše di boletšwego di tlide go phethega.” Oo, nna! Seo se ntira ke ikwele bodumedi. Go emeng godimo fale, ba rile, “Re dihlatsé tša Gagwe. Ga re ne grata.” Ba be ba le eng? Basokologi, ba bangwe ba bona e be e le Bajuda, ba go tsebega, ba thatafetše le dikgokgorothwana, yohle tšerwe go tloga go bona!

¹⁶⁴ Lebelela Simone Petro yola wa maitirelo, ka fao a bego a gopola gore o be a le kgokgorothwana kudu. O be a ka se je selo sa go se hlweke.

¹⁶⁵ Go reng ka Paulo yola wa maitirelo, a hlomerego dikereke go tšwa mogohle! Go diregile eng ge a kopane le yo Motee yola, Moya wo Mokgethwa wola, tseleng go theogela Damaseko

letšatšing lela? O eme pele ga Festus gomme o rile, “Ga ke gafe. Eupša ka tsela ye e bitšwago bohlanya, ke ka tsela ye ke direlago Modimo wa botate.”

¹⁶⁶ Ba rile, “Ke rena—ke rena dihlatse tša Gagwe.” Bjale, go bile dihlatse tše tharo tša kgonthe ka Pentecost.

¹⁶⁷ Sa pele, Lentšu la baprofeta bao, gore Modimo o tla tšollela ntle Moya wa Gagwe ka matšatšing a mafelelo godimo ga batho. Hlatse yeo baprofeta ba bilego le yona, e be e le Lentšu la Modimo, Le phethagaditšwe. Yeo e be e le hlatse e tee, molaetša wa baprofeta o ile wa phethagatšwa! “Ke tla tšollela ntle Moya wa Ka godimo ga nama yohle. Ba tla ba le dipounama tša go kekeretša, gomme maleme a mangwe Ke tla bolela le batho ba.” E be e le fao. Ga se ba kgora go e gana. Ka gora, fao go be go le dihlatse tše tharo. Yoo e be e le ye tee, gore Lentšu la baprofeta le phethagaditšwe.

¹⁶⁸ Hlatse ye nngwe, e be e le batho. Ba be ba paka, “Se sengwe se diregile!”

¹⁶⁹ “Ke be ke utilwe godimo kua ka kamoreng. Ke be ke le dihlong kudu. Ke be ke le dihlong. Ke—ke—ke a tseba gore O be a tšerwe, gomme ke—ke be ke lewa ke dihlong ka sehlopha sohle se segolo se sa seriti go dikologa mo. Ke be ke lewa ke dihlong ka bona. Ke be ke na le dihlong gore ke tla, mohlomongwe, ke be ke sa nyake go bolela eng kapa eng ka yona, gobane ke be ke boifa ke tla thoma se sengwe sa maikutlo, se sengwe.”

¹⁷⁰ Seo ke se e lego bothata ka dikereke tša maitirelo lehono. Ba boifa ba ya go godiša bontši kudu bja go šitiša. Ba boifa ba tla dira se sengwe seo se sa lokago. Oo, wena, wa maitirelo, wa go kgotsafala ka bowena! Se re se hlokago ke pentecost! Se re se hlokago ke go tlatšwa, go tla ga Moya wo Mokgethwa!

¹⁷¹ Ba rile, “Re dihlatse tša Gagwe, gobane re tladišwe ka Wona!” Petro o rile, “Lena banna ba Judea, le lena ba le dulago ka Jerusalema, a nke se se tsebjie go lena. Ba ga se ba tagwa bjalo ka ge le hlomana, go boneng ke iri ya boraro ya letšatši. Eupša se ke Sela se boletšwego ke moprofeta Joele, ‘Go tla tla go phethega ka matšatšing a mafelelo, go boletše Modimo, Ke tla tšhela Moya wa Ka godimo ga nama yohle.’ Re bea bohlatse gore Mantšu a baprofeta ke therešo, gobane re tladišwe bjale!” Oo, nna!

¹⁷² Seo ke se re se hlokago. Seo ke se kereke e se hlokago. Seo ke se ba, Bakriste ba go bolelwa ka milione tše lekgolo le masomešupa go dikologa lefase, ba se hlokago, ke pentecost ye nngwe! E sego go ya morago le go ithuta mengwaga ye masomepedi tlhano; eupša go tlatšwa ga Moya wo Mokgethwa, hlatse ka gare ga gago, e bea bohlatse bja tsogo ya Kriste, le go Lentšu la Modimo. “Johane a dutše Sehlakahlakeng sa Patimo, bakeng sa Lentšu la Modimo, rekoto ya Lentšu la Modimo.”

¹⁷³ Go bile Lentšu la baprofeta le phethagaditšwe. Go bile batho ba ba hlatseditšego. Gomme fale go bile Moya wo Mokgethwa ka

Bowona! Go ne ba bararo ba bona. Gomme Beibebe e rile, “Ka molomo wa dihlatse tše tharo, a lentšu le lengwe le le lengwe le tie.” Yeo ke nnete.

Go bile Lentšu la baprofeta le phethagaditšwe.

¹⁷⁴ Go bile batho, ba rile, “Se sengwe se diregile go nna! Se sengwe se diregile! Ga ke sa boifa. Ga ke boife lehu. Ga ke boife selo. Se sengwe se diregile! Ke lebetše thutabomodimo ya ka yohle. Ke lebetše metlwae yohle ya ka ya madirwakemotho. Se sengwe se diregile! A nke se se tsebje go lena, gomme ekwang mantšu a ka, ba ga se ba tagwa!” Bona, ba lahlegetšwe ke seriti sohle sa bona. Ba be ba nno tagwa ka Moya! Feela . . .

¹⁷⁵ Seo ke se re se hlokago. Seo ke se re se hlokago, sa go hlapologelwa, sehlopha sa go kwagala sa batho ba ba kgonago go sepelela godimo le go lebanya Modimo, le go re, “Morena, o se ntire moleloko wa kereke, eupša ntire hlatse! Tšhollela Moya wa Gago godimo ga ka, gomme nlatše. A nke ke be hlatse ya Gago.” Seo ke se re se hlokago. Seo ke se kereke e tlaišegago ka go se hloka lehono. Ke seemo sa go hloka madi, ke ka gobane e ganne Madi a Jesu Kriste.

¹⁷⁶ Ee, Moya wo Mokgethwa o bea bohlatse, Wonamong, o re, “Go bjalo!” Ba be ba le fao. Gomme banna ga se ba kgona go O gana.

¹⁷⁷ Banna ba ba be ba se ba leta sekolong go hwetša thuto e ka ba efe ye kgolo. Ba be ba le banna ba go hloka tsebo le go se rutaige, batheadihlapi le bahloki. Ba be ba le batho ba go tlwaelega. Beibebe e rile, “Batho ba go tlwaelega ba kwele Jesu, ka lethabo.” E sego magwaragwara, aowa, e sego batsebalegi, eupša, “Batho ba go tlwaelega ba Mo kwele, ka lethabo.” Gomme go be go le batho ba go tlwaelega, ba be ba Mo kwele, gomme ba rile, “Re dihlatse gore re amogetše Sengwe; gomme ga re tsebe, le gannyane, leleme la rena beng.”

¹⁷⁸ Eupša banna ba rile, “Re ba kwešiša bjang? A bohole ga se Bagalelia?” Bagalelia e be e le legoro la batho ba badiidi. Ba rile, “Re kwa bjang bona Bagalelia ba bolela ka leleme la rena beng le re tswetšwego ka lona?”

¹⁷⁹ Ba efa bopaki bja Moya wo Mokgethwa, go bea bohlatse gore Lentšu la Modimo le phethagaditšwe! “Ke tla ntile tšhollela Moya wa Ka godimo ga nama yohle. Gomme ka dipounama tša go kekeretša le maleme a mangwe Ke tla bolela le batho ba, gomme ye ke khutšo.” Go bea bohlatse; hlatse. Ye ke rekoto ya yona. Nnete.

Bile le dihlatse tše tharo. Eng?

¹⁸⁰ Lentšu la baprofeta, Lentšu la Modimo. Gobane, baprofeta bale ga se ba bolela lentšu la bona, eupša e be e le Lentšu la Modimo bjalo ka ge A Le beile ka molomong wa bona.

¹⁸¹ Ke dutše mo bjale ke lebeletše Monorwegian yo monnyane, ngaka ya go alafa, ngaka, ngaka ya dihlare e dutšego godimo mo, yo a tlilego tsela yohle go tšwa Norway, godimo fa go rapelelwa. Gomme bošego bjo bongwe, ge re be re dutše mmogo ka go poledišanonyakišio ya sephiri, Moya wo Mokgethwa o sepeletše ka kamoreng.

¹⁸² O rile, “Ke letile, Ngwanešu Branham, go bona se se tla bolelwago.”

¹⁸³ Fale Moya wo Mokgethwa o ile moragorago tlase go kgabola bophelo bja gagwe, tsela yohle morago go ge se sengwe se diregile, o mmoditše ka ga yona le se se diregilego, le seemo sefe, tšohle ka ga yona, le go mmotša selo sela. E be e le eng? Moya wa Modimo o efa bohlatse!

¹⁸⁴ Fao mohlomongwe go na le moisa yo mongwe yo monnyane o dutše mo, le yena, kereke ya Ngwanešu Palmer e rometšwe godimo. A gakanegile gohle, le go se tsebe se a ka se dirago, gomme o ile a kgeiga ka se sengwe. Moisa yo monnyane yo mobose; ke a nagana o ile gae. Eupša go bile le... o mo rometše godimo fa. Ngwanešu Palmer o nngwaletše lengwalo, gomme o rile, “Ngwanešu Branham, ke a tseba ke nako ye boima,” goba se sengwe boka seo, “eupša ge o ka kgona go hwetša sebaka, mmone, ka baka la gore ke ngwanešu wa go loka.” Gomme—gomme kereke e mo rometše. O be a le go poledišanonyakišio. Ge a dutše fale, se sengwe se segolo se sa go teba ka monaganong wa gagwe, pele a ka ba le sebaka go bolela e ka ba eng, Moya wo Mokgethwa o obeleditše fase le go e hwetša, wa e tliša ntle, wa mmontšha. Gomme o hlaletše, gomme dikeledi di leketla marameng a gagwe. Gobaneng? Modimo a hlatsetša! Ka eng, ka William Branham? Aowa, mohlomphegi. Ka Moya wo Mokgethwa! Amene. Yeo ke Hlatse ya Modimo.

¹⁸⁵ A nke ke le botše se sengwe gape. Gobaneng... Moisa yo monnyane yo a dutšego godimo fa, a bitšwago Higginbotham, motikone o be a le fa ka kerekeng; o feditše nako ya gagwe ya go direla, gomme bjale e no ba leloko la go botega. O tsogile, mosong wo, go bolela ka maleme, ke a dumela, le go profeta. Gobaneng Moya wo Mokgethwa wola, o rile, ka go moso wo, ge a be a efa tlhathollo, “Ke tloditše mohlanka wa Ka go le tlišetša dilo tše le swanetšego go di tseba”? Oo, oo, oo! Gobaneng? Gomme ke mo kwele a eme fa, ka hlogo ya ka fase, ke be ke kgama megokgo go theoga go kgabola pelo ya ka. Monna yola o be a sa tsebe go feta, ke be ke se ka ke ka bolela lentšu go yena goba yo mongwe gape, se ke bolelago ka sona, gobane ke no tla phuluphithing. Gomme o be a le fao, o utolotše sehlogo, gomme o boditše batho go ipea bonabeng ka lenaneo bakeng sa Sona. “Ke tla bolela le lena,” o rile, “Ke mo rometše go ditšhaba tše ntši, go batho ba bantši, Molaetša wo wa go swana. Gomme Ke tla bolela le lena, mosong wo. Hlokamelang Lona,” O rile, “ka gore Ke mo tloditše le go mo romela ka gare.” O Modimo! Ke eng? Moya wo Mokgethwa,

Hlatse ya therešo ya Modimo. Ke eng? Bomodimo bo phuthetšwe ka motho! Haleluya!

¹⁸⁶ Eng? Kereke, ke ka baka leo ga ke kgone go tšea kolobetšo ya Moya wo Mokgethwa ya go lla, go roromela, goba go bolela ka maleme, goba maikutlo e ka ba afe. Di lokile, bjale. Le a bona? Tšona, tšona dilo di lokile, eupša diabolo o kgona go ekiša seo kgonthe kudu.

¹⁸⁷ Eupša Moya wo Mokgethwa ke Bomodimo, Modimo a dula ka go motho! Ke go feta maikutlo. Ke go feta go bolela ka maleme. Ke go feta go goeletša ka Moya. Ke go feta go lla. Ke go feta go tšoena kereke. Ke Modimo a phela ka mothong. Bomodimo, Modimo ka Boyena a phuthetšwe ka go motho yola, ge a kgona go bolela gomme go no swana le ge Modimo a bolela, yeo ke Kereke ya Jesu Kriste. Yeo ke tsela Kereke yela ya mathomo ya boapostola e ilego pele.

¹⁸⁸ Go fapano bjang, dikereke tša lehono! Go fapano bjang, gore re tlogile go Lona, ge e sa le mokgatlo wa rena wa kerekeleina o thomile, e ka ba ngwagakgolo wa bobedi ka morago ga Kriste, ka go kereke ya pele ya Katoliki, go dira mokgatlo, le go ruta filosofi ya motho.

¹⁸⁹ Lehono, go na le batho ba bantši, re batho ba go loka ka go dira. Re tšoena kereke. Ntheetšeng. Sese se Ngwanešu Higginbotham a bego a bolela ka sona mosong wo; e sego Higginbotham, eupša Moya wo Mokgethwa o boletše ka yena. Ke rena batho ba go dira go loka. Re tšoena kereke, gomme re nyaka go ba ba lerato kudu le bose kudu. Le a bona? Re no se nyake go gobatša maikutlo a e ka ba mang, ka nnete aowa. Re nyaka go ba Mokriste yo mobose bjalo. Re nyaka—re nyaka go tšweletša Kriste.

¹⁹⁰ Kriste ga a tšweletšwe! Haleluya! Oo, ge nka kgona feela go hwetša Mantšu a mangwe ao Modimo a tla mphago, kafao le tla bona se ke se rago.

¹⁹¹ Nku ga e kgopele go hlagiša boyo. Ga e kgopele go tšweletša boyo bjo bongwe ngwaga wo. Ge e le nku, e tla ba le boyo ka baka la gore ke nku. Ga se a swanela go re, “Gabotse, bjale ke—ke—ke nna . . . Ke a dumela ke nna nku, kafao bokaone ke itlhaganele go dikologa fa, ke swanetše go hweletša mong boyo.” Ga a swanela go tshwenyega ka seo. Ge feela e le nku, e tla hlagiša boyo. Ga ya swanela go bo tšweletša.

¹⁹² Bjale, ga wa swanela go tšweletša boitshwaro bja maitirelo, gomme, “Nna, ke swanetše . . . Nna, bjale ga ka swanela go dira se, ke a tseba ke nna Mokriste.” Oo, ngwanešu, go leka go iphološa wonamong ka bowona, ka matsapa a wona mong a batho! Efela, go hlokofala.

¹⁹³ Molato ke eng, ke dipulupithi tša go fokola, dikolo tša go fokola, diseminari tša go fokola. Seo ke se e lego taba, go

ruta thutamodimo ya motho! Ba fa... O re, lehono, maatla a Mokriste, ba no... .

“A o Mokriste?”

“Oo, ke nna Momethodist.”

“A o Mokriste?”

“Oo, ke—ke—ke nna Mobaptist.”

Bjale, ao ke maatla a Bokriste.

¹⁹⁴ Go fapana bjang! Haleluya! Go fapana bjang le Kereke yela ya mathomo! Ga se ba be le e tee ya dilo tše go bolela. Eupša ba be ba tladiršwe ka Maatla, Maatla a Moya wo Mokgethwa, ao a bego a ba lokolla go tšwa sebeng le lehu. Ba be ba se ba mehleng. Ba be ba na le lerato la Modimo le eswa ka dipelong tša bona, le le ba rometšego lehung.

¹⁹⁵ Becky, morwedi wa ka, o be a mpalela, *Balwantšhani*, bošego bjo bongwe. O rile, “Theetsa se, papa.” Gomme nka se kgone ka nako ye, ke maswabi, nka se kgone go bitša leina. Eupša mo—mo Mokriste yo moswa o be a lahletšwe ntle, bjalo ka moeki, go lwa ka areneng ya Roma.

Ke eme ka go arena yela, ke rapela. Maboto a kgale a wela ka gare.

¹⁹⁶ Gomme ge ba be ba dula fale, gomme ba—ba be ba no rata go ba bona. Ba be ba swanetše go bolayana seng. Modimo a bolela... Mo matšatšing a kgale, ba—ba no kopana seng sa bona le go bolayana seng, gomme seo e bile sona. Modimo o be a le kgahlanong le seo.

¹⁹⁷ Gomme le lengwe la lona... le lengwe la ma—le lengwe la wona maswao a pele a Bokriste, le ganne go bolaya motho. Yeo ke nnete. Gomme o ka kgonago mmolaya ditsela tše ntši go feta go no mo hlabo ka thipa; wa bolela kgahlanong le semelo sa gagwe, ditsela tše ntši o ka kgonago go e dira.

¹⁹⁸ Eupša molwantšhani yo, ba lokolotše tau go yena. Gomme ka maatla le maatla a Modimo, o bolaile tau yela ka tšoša ya gagwe, thipa. Batho ba be ba phaphatha; e be e le bogale. Ba ile ba emelela. Ba ile ba lokolla ye nngwe, gomme a e bolaya ka tšoša ya gagwe. Gomme ka gona ba lokolla motho, yo mogolo, bogolo, yo motelele, mohetene yo moso wa Moafrika. Gomme Mokriste yo o ile a swanela go lwa le yena, seo a bego a sa nyake go se dira. Eupša, ka ntweng, o rathetše mo—mo Moafrika fase, o bile le tšoša ya gagwe thwi godimo ga gagwe. Ka nnete, Moafrika o rile, “Mohlomphegi, mpolaye ka pela, gore ke se tlaišege. O se ke wa ntlhokofatša. Mpolaye ka pela!”

¹⁹⁹ Mokriste o ile a lahlela tšoša ya gagwe godimo, a apola tlhamo ya gagwe, a sepelela ntle pele ga mmušiši, gomme o rile, “Mmušiši, ke nna Mokriste. Morena le Mopholoshi wa ka o re ganetša go tše bophelo bja yo motee go yo mongwe. Ke tla tše

bophelo bja sebata sa lešoka, eupša e sego bja ngwanešu wa ka. Ke gana go bolaya motho.”

²⁰⁰ Babuši bohole ba Roma, le go ya pele, ba eme godimo, gomme ba rile, “O ra gore lekgoba la molwantšhani le tla gana go obamela lentšu la Roma?”

²⁰¹ Gomme ba biditše monna, “Tabogela godimo, gomme o tsee tšoša yela gomme o mmolaye!” O tabogetše godimo, gomme o tsere tšoša ya Mokriste. Mokriste, a se a itlhama, o beile matsogo a gagwe ntle. Gomme monna o mo rathile go kgabola pelo, ka tšoša; thwi go kgabola pelo ya gagwe, ka tšoša. Gomme ge meroro, gare ga madi a pumpunyega, le go tlatswa godimo ga maswafo a gagwe, ge thipa ye kgolo ye e ile go kgabola maswafo a gagwe, Mokriste yo monnyane o wele ka matolo a gagwe, gomme o rile, “Morena Jesu, amogela moya wa ka.” Gomme re bolela ka go tlaišega bakeng sa Kriste? Bopaki bja rena e tla ba eng, le banna boka bao?

Oo, tumelo ya botate ba rena, e sa phela
Le ge go le kgolego, kgabo, le tšoša.

²⁰² Bona e be e le banna, ba ba bego ba era lehu go bolela Kriste. Ba be ba le eng? Ba be ba amogetše Hlatse. Ba be ba tladišwe ka Moya wo Mokgethwa. Bona Bakriste ba pele ba be ba sa boife lehu. Ka morago ga fao, Mmušo wa Roma o bone gore fao go be go le selo se sengwe ka bona. Ba dirile eng? Ba e hlaotše, ba ile mmogo gomme ba dira kerekela go tšwa go yona; le go no ba tliša ka gare ka boipolelo, ntle le go amogela Hlatse ye.

²⁰³ Gomme fao ke mo re lego lehono, Lutheran, Baptist, Presbyterian, le Mapentecostal a mantši kudu, ba bitšwago bjalo, re ya go theoga leeto le ntle le go amogela Hlatse ya Modimo. Gomme Moya wo Mokgethwa ke Hlatse ya rena. Ee, mohlomphegi. Go fapania bjang, tšona dikerekete tša letšatši leo!

²⁰⁴ Kereke ya lehono ke, “E no tšoena kereke.” Bjalo ka ge polelo ya kgale e le, “Ge monna a tšoena kereke, o apara jase ye mpsha.” Yeo ke nnete. Eupša ge a tladišwe ka Hlatse, ba beile monna yo moswa ka jaseng. Ga se jase ye mpsha godimo ga monna; ke monna yo moswa ka jaseng! Se re se hlokago lehono ke banna ba baswa kudu ka jaseng! Yeo ke jase ya baruti, ke boleLAGO ka yona. Ee, re e hloka go fapania. Ya pele . . .

²⁰⁵ Kereke ye lehono e leka go iphološa yonamong, ka mediro ye mebotse ya yona mong. “Oo, ke nna Mokriste, ke swanetše go ba bose ka kgonthe. Ke swanetše go dira se.”

²⁰⁶ Eupša kereke yela ya mathomo, ba be ba dira eng? Ba letile. E sego go leka go iphetola bonabeng, eupša ba be ba letile Modimo Yenamong go tla le go ba fetola, go tloga go Bafarisei, go ya go dihlatsie.

²⁰⁷ Gomme se re se hlokago lehono ke go leta go gongwe go Moya wo Mokgethwa, Hlatse ya Modimo, go tla go re fetola go tšwa

go sehlopha sa Bafarisei, ba go tonya le go dikgokgorothwane, go ya go dihlatse tša tsogo ya Jesu Kriste. Haleluya! Moya wo Mokgethwa ga se legapi la go se be le selo, lefelo moo batho ba yago gomme . . .

²⁰⁸ Gomme kereke ga se legapi la go se be le selo, a ke re, lefelo moo batho ba yago, gomme holo ye kgolo ya kgale, moago, goba selo se sengwe gape, e turwa ditolara tše milione tše lekgolo, goba selo se sengwe gape. Gomme re šomiša tšhelete yohle ya rena godimo ga ye bjalo ka yeo, go bea dimilione le dimilione le dimilione tša ditolara. Kereke e kaonana lehono, ka mašeleng, go feta e kile ya ba. Eupša, re reka meago. Gomme fa ke bona mokgatlo wo mogolo o bea ditolara tše milione tše tshela, godimo fa ka Missouri, ka lefelong. Moo bona, nako yohle . . . gomme re re, "Go Tla ga Morena go batametše," mosepelo wa Pentecostal. Ba bangwe ba . . . Mapentecostal, ba tla godimo ntle go tšwa mekgotheng ya ka thoko, le dilo boka tše, gomme ba leka go aga meago ye megologolo, le go hwetša moreri wa go rutega bokaonekaone kudu ba ka kgonago go mo hwetša ka kua.

²⁰⁹ Gomme ba ya kgole go tloga go go tlatšwa gohle ga Moya wo Mokgethwa, go ya kgole go tloga go phodišo Kgethwa, go ya kgole go tloga go Moya wo Mokgethwa, Maatla!

²¹⁰ Gomme tšohle re di dirago bjale ke go leka go phenkišana le Mamethodist. Gomme bjale re tšoenne dilliki tše kgolo tše tša dikereke, le go ya pele, ka go felela re gana kemo ya rena ya boebangedi, gobane re kgatlofaditše, re ingwadišitše. Bjale ke ba Khansele ya Dikereke. A dihlong! A kgobogo, go selo se sebjalo! A mašokiša, ka dibakabotse tša lefase le le hwago, ka bokomonisi bo e ja! Gomme bokomonisi bo bopilwe ka lebaka la bofokodi bja Bokriste; yeo ke mnete, bo bitšwago Bokriste.

²¹¹ A monyetla wo Kereke ya Modimo wa go phela e nago le wona lehono, go phagama ka maoto a yona, ka bohlatse bja kolobetšo ya Moya wo Mokgethwa, le go šikinya lefase le!

²¹² Ka Beibeleng, Jeremia, tema ya 42, ba bile le nako boka ba nago bjale. Ba be ba boifa gore kgoši ya Babilonia e be e etla godimo go ba tšea. Gomme batsebalegi bohole, le baofisiri ba bagolo le dilo, ga se ba dumela bona baprofeta. Ba be ba no nyaka gore ba e dirile, go ba ba bodumedi. Ka fao ba bitša Jeremia wa kgale, gomme ba gopolagore o be a tshereane. Ba mo tlišitše go tšwa lešokeng kua, go molaleng gore lepai le phuthetšwe go mo dikologa, le moriri o lekeletše godimo ga sefahlego sa gagwe, a eja digwere, le e ka ba eng a ka go e hwetša ntla ka lešokeng, go ja. O sepeletše godimo, gomme o rile, "Moprefeta, hwetšang go tšwa go thato ya Morena, bakeng sa rena." O rile, "Re botše se re tla se dirago. Gomme re tla obamela Morena, ge eba ke mo gobots goba mo gobe."

O rile, "Ke tla nyaka Morena bakeng sa lena, gona."

²¹³ O ile ntle, o be a ile matšatši a lesome pele Morena a bolela le yena. A tla morago, le go ba bitša bohle mmogo, gomme o rile, “Ke hweditše O RIALO MORENA.” O rile, “Ekwang, lena batho!” Haleluya! “Gore le boifa kgoši ya Babilonia,” boka re boifa Russia. O rile, “Bohle le ba komana go kitimela tlase ka Egepeta, gobane le a tseba o etla.”

²¹⁴ Gomme re tšhaba go tloga go toropokgolo e tee go ya go ye nngwe, go leka go ya kgole le dipomo tša athomo, le go aga dišerelo le se sengwe le se sengwe gape. Ke botse bofe e yago go bo dira? Go fediša potšišo ya sebe!

²¹⁵ Jeremia o rile, “Ge le ka retologela go Modimo, la neela pelo ya lena go Modimo, la bušetša dipelo tša lena morago, le go boloka Melao ya Gagwe le tšohle tša ditaelo tša Gagwe, le go dira dilo tše tše di lokilego, gona le se boife kgoši ya Babilonia.”

²¹⁶ Le tseba se batho ba se boletšego ge ba kwele bo—bo bohlatsse bja Modimo? Ba rile, “Wena o profeta ka maaka. Re ya ka Egepeta.”

²¹⁷ Ge ba fihla tlase kua, Jeremia o tlie gomme a tše matlapa a mabedi, gomme a a bea ka moleteng wa leraga, o rile, “Mohlanka wa ka, Kgoši Nebukadinetsara, o tla tla thwi pele go theogela mo. O tla e tše, go le bjalo! Le tla hwa ka tšoša, go le bjalo.”

²¹⁸ Ngwanešu, fao ga go tsela ka letšatšing le, le gatee, go phonyokga kahlolo ye e letetšego batho; ka ntle ga ya fešene ya kgale, tshokologo seromelwa ke Moya wo Mokgethwa.

²¹⁹ Ga ke ne selo kgahlanong le baena ba ka. Gomme ke bolela ka nnamong, eupša, re baebangedi. Billy Graham, moebangedi yo mogolo; Oral Roberts, moebangedi yo mogolo. Bona ke banna ba bagolo. Re a ba thabela.

²²⁰ Eupša, ga re hloke baebangedi. Ke eng? Go kgatlofatša dipolitiki, go tliša Methodist le Baptist le dihlopha tšohle tša Pentecostal mmogo, go dirišana le go bontšha ka fao re ka bago ba bagolo, gomme ke ba bakae re ka ba gogelago ntle. Ga re hloke seo.

²²¹ Re hloka go letela Modimo, go fihla Moya wo Mokgethwa o etla ka Maatla a tokologo. Re hloka boraphološo, e sego baebangedi. Re hloka phološo. “Re ka kgona go tše thaba ye! Thaba yela ke mang pele ga rena, Serubabele? ‘E tla ba bjalo ka molala,’ Modimo o boletše. ‘Dulang ka nageng!’” Yeo ke nnete.

²²² Se re se hlokago lehono ke (e sego tsošeletšo) go phulega ga phološo, boka ka matšatšing a tsošeletšo ya Wales! Ge batho ka mabenkeleng ba wetše ka tlase ga kgodišego, ba lla, mafelo a botagwa le mafelo a go ipshina a tswaletšwe, gomme o ile go lla le go rapela, seo ke se re se hlokago lehono. E sego go kgobokanya dikete tše lekgolo le masometlhano, boka ba dirile letšatši le lengwe, ba bangwe ba bona ba re “dumela Maria,” gomme yo mongwe o bolela se sengwe gape, thapelo ye nnyane; gomme o

ya ntle le go hwetša seno sa leago, le go ya morago. Leo ga se letšatši la thapelo. Re hloka letšatši la go lla le go golola, le go leta go fihla Modimo a romela Moya wo Mokgethwa, Hlatse ya Gagwe! E sego legapi la go se be le selo, e sego kerekeleina ya go se be le selo; eupša Bomodimo bo dultše ka mothong!

²²³ Jesu o rile, ka go Mareka 16, gore Moya wo Mokgethwa, ge A etla, O tla paka ka go moloko wo mongwe le wo mongwe wa go latela, go fihla bofelong. O rile, “Maswao a! Eyang ka lefaseng lohle gomme le rere Ebangedi go sebopiwa se sengwe le se sengwe; maswao a a tla latela bona ba ba dumelago, Leineng la Ka ba tla lelekela bodiabolo ntle.” Hlatse ye e ya go ba botelele bjo bokae? Go fihla bofelong bja lefase! Botelele gakaakang? Moloko wo mongwe le wo mongwe! “Ka Leina la Ka ba tla lelekela bodiabolo ntle. Ba tla bolela ka maleme a maswa. Ge ba ka swara disephente, goba ba nwa dilo tše di bolayago, di ka se ba gobatše. Ge ba bea diatla go balwetši, ba tla welwa ke maruru.” Jesu o boletše gore Moya wo Mokgethwa wo A tla o romelago e tla ba Hlatse, go fihla bofelong bja lebaka, moloko wo mongwe le wo mongwe ka morago fao.

²²⁴ Bjale, ka gore O boletše seo, re dihlatse tša Gagwe! Amene. Go tswaleleng, theetšang sekgauswi, beang go kwěšišo ya lena bjale gomme le theetše ge ke tswalela. Re dihlatse tša Gagwe, ba ba amogetšego Moya wa Gagwe.

²²⁵ Lentšu la Gagwe le a paka, “Ka matšatšing a mafelelo, gore, go tla tla go wa, gomme go tla tla godimo la go tonya, la go itlhophha, lebaka la kereke la go hloka maatla.” Leo ke le re phelago ka go lona. Kereke ye e se nago maatla, “E na le sebopego sa bomodimo, eupša e gana Maatla a bjona, go ba ba bjalo retologa o tlog!” O fa leswao, gore, “Go tla ba dinako ge monna a tla dula ka tempeleng ya Modimo, a iponatša ka boyena gore o be a le Modimo. O tla tla, a buša ditšhaba.” Go phethagetše bjang, dilo tšohle tše! Ka fao Lentšu la Modimo le phethagetšego!

²²⁶ Ka fao kgoši Nebukadinetsara, morago fale ge a lorile toro yela, gomme Daniele o e hlathollotše go yena; ka fao mebušo yeo, wo mongwe le wo mongwe wo motee, go tloga Babele, go ya go Bameda le Baperesia, go ya go Bagerika, le go ya go Baroma; feela bjalo ka ge ba wele, feela letšatšikgwedi tlwa, nako, le tlwa ka tsela ye Modimo a rilego go tla dira.

²²⁷ Lentšu la Modimo ke hlatse ya therešo! Gomme Lentšu la Modimo le rile, “Ka matšatšing a mafelelo fao go tla tla dinako tše thata, gomme dipelo tša batho di tla ba šita ka letšhogo, le dinako tše thata, le tlalelo gare ga ditšhaba. Gomme go tla tla go wa ga go tšwa Kerekeng. Gomme banna ba tla tsoga, le go ipontšha bonabeng bahlomphegi ba bagolo le go ya pele, gomme ba tla—ba tla maatleng kgole go tloga go Kerekeng; le go ba le sebopego sa bomodimo, gomme ba gana Maatla a kgonthe a

Modimo." Go tšoena kereke! O boletše ka kereke go tsena ka go seemo seo.

²²⁸ Re hlatse gore Lentšu la Modimo le phethagaditšwe. Kereke e ka go seo, mokgatlo wo mongwe le wo mongwe o ka go seemo seo sa go swana gonabjale. Ke tla...Ke tla lholha motho e ka ba mang go mpontšha mokgatlo e ka ba ofe o tukago bakeng sa Modimo, ba tladitšwe ka Moya wo Mokgethwa, ka maswao a ba latela. Tsoga gomme o mpotše o tee, mokgatlo e ka ba ofe! Ga go selo se sebjalo. Ga o gona godimo ga matlakala. Yeo ke nnete. Yohle ga e ne maatla le go hwa. Le a e hwetša!

²²⁹ Eupsa gape O profetile go tla ba le Kereke ya kgontha mo letšatsing leo, mohlape wo monnyane, mašalela. O rile go tla ba, gomme go tla ba. "Go tla ba batho ba ba tsebago Modimo wa bona," go boletše moprofeta, "ba tla dira tše kgolo mo matšatšing a mafelelo."

²³⁰ O rile go tla ba Dietša tša mantšiboa ka letšatšing la mafelelo. Moprofeta o boletše bjalo! Hlatse ya therešo ya Modimo e boletše bjalo, "Go tla ba le Dietša tša mantšiboa." Seetša sa mantšiboa ke eng? Go swana le Seetša sa mosong. Moprofeta o rile, "Go tla ba le letšatši moo go ka se bego bošego goba mosegare," nako ya leutu boka e le ka ntle lehono, feela seetša sa go lekanelo go bona mokgwa wa go ya tikologong. Eupsa o rile, "Nakong ya mantšiboa, go tla ba Seetša." E tla ba eng? E rora, e etla morago, e eya morago go nako ya pele! "Go tla ba Dietša tša mantšiboa ka letšatšing la mafelelo, di phadima."

²³¹ O rile, "Go tla ba le moprofeta a tsoga mo matšatšing a mafelelo," Maleaki 4, "go fa maswao a matšatši a Loto, go ya pele, gape go profeta go batho go bowa morago, 'Boelang morago go Tumelo ya botate ba mathomo ba pentecostal! Boelang morago go setlogo! Boelang morago go Beibebe! Tlogang go mokgatlo le kerekela, gomme eyang morago go ya pele! Eyang morago go pentecost ya setlogo, go go tlatšwa ga setlogo ga Moya wo Mokgethwa, go Maatla a setlogo a Modimo!" Lentšu le paka gore seo se tla direga.

E tla ba Seetša nakong ya mantšiboa,
Tsela ya go ya letagong nnete le tla e hwetša;
Ka tseleng ya meetse, ke Seetša lehono,
Le bolokilwe Leineng le bohlokwa la Jesu.
Baswa le batšofe, sokologang go dibe tša lena
tšohle,
Moya wo Mokgethwa ka nnete o tla tsena ka
gare;
Dietša tša mantšiboa di tlile,
Ke dintlha gore Modimo le Kriste ke Batee.

²³² Hlatse ya Modimo, Moya wo Mokgethwa, Moya wo Mokgethwa ka Bowona o phela ka go rena, o ka se tsoge wa ingwadiša ka Bowona ka mokgatlong. O ka se kgone go

kqatlofatša Modimo. Yena ke Modimo! E tla dira eng? Go ya morago ka tsela ye e bego e le lefelong la pele. E tla ya morago mathomong, morago go setlogo, morago mo e thomilego. E tla kolobetša ka tsela ya go swana ba dirilego. E tla ruta Moya wo Mokgethwa ka tsela ya go swana dirilego. Ba tla ruta batho ka tsela ya go swana e dirilego. E tla ahlogana le mekgatlo boka ba dirile. E tla ba le kamora ya bohole, boka ba dirile, ba ba tla tlago. Ba tla be ba hlwekile le go ba ba bakgethwa boka ba dirile. Ba tla tlatšwa ka Moya boka ba bile. Ba tla hloka poifo boka ba bile. Gomme dilo tša go swana tše di diregilego go bona, di tla direga go ba ka matšatšing a mafelelo, ka go Dietša tša mantšiboa, boka go bile morago pele.

Modimo, romela Segalontšu seo, biletša ntle!

²³³ Re na le mehuta yohle ya dihlatsese. Re na le mehuta yohle. Re na le hlatse ya Methodist, hlatse ya Baptist, dihlatsese tša Presbyterian, dihlatsese tša Katoliki. Ke ya go rera Lamorena la go latela, Morena ge a rata, ka go magato a mane a go fapania a kereke, ge Morena a rata. Bjale re ne mehuta yohle ya dihlatsese lehono, eupša go ne Hlatse e tee ya therešo.

²³⁴ Tlhago e sa hlatsela gore go ne Modimo. O sa dutše a le Modimo, boka A bile, mohlare wa mathomo A kilego a o hlola. A yeo ke nnete?

²³⁵ Baprofeta, baprofeta morago fale, ba hlatsela le go ba le Lentšu la Modimo, gomme ba boletše Lentšu la Modimo, gomme Le phethagaditšwe thwi pele ga bona. Gomme Modimo o rile, “Ge go na le yo motee magareng ga lena, yo e lego wa semoya goba moprofeta, Nna Morena ke tla itsebiša Nnamong go yena, ka dipono, ka bolela le yena ditorong. Gomme ge se a se bolelagos se etla go phethega, gona mo kweng.”

²³⁶ Modimo yola wa go swana o dira selo sa go swana lehono. Re bona sona selo sa go swana se direga. O boletše ka Dietša tša mantšiboa, di tla tla, go bowa. “Go tla ba yo motee a tsogago, yo a tla retollelago Tumelo ya bana morago go botate, pele ga letšatši le legolo lela la go šiiša la Morena le ka tla leo le tla tshumago lefase boka obene.”

²³⁷ Gomme re bona dipomo tša athomo di lekeletše mošola. Re bone moo Russia e thuthupišitše tša bona, letšatši le lengwe, makga a masometlhano fišifiši le maatla a mantši go feta ale a Hiroshima. Ga go makatše Japane e llela khutšo, e lla le go rapela! Hiroshima, ge e tšhumile mahlo a bona le maleme, dimaele tše makgolo kgole, gomme ye tee ye ba e thuthupišitšego e be e le makga a masometlhano go tia. Bjale ke bona moo go wa go hlaetšago Amerika, ge go eya go dikologa; eupša ge e etla morago, e tla go Amerika gape. Go wa. Diširetši.

²³⁸ Ke a le botša, ke nako ya go wa, go lokile, go wa ga dilo tša lefase! “O tla wela kae, Ngwanešu Branham?” Morago ka

matsogong a Modimo! Yeo ke nnete. A nke Moya wo Mokgethwa o bee bohlatse. Yena ke Hlatse ya Modimo.

A re rapeleng.

“Re tla wela kae, Ngwanešu Branham?”

²³⁹ Re dumela Se. Re dumela Lentšu ke therešo. Re a bona Ke therešo. Re bona gore O profetile se mo matsatšing a mafelelo. Re a se bona. Re bona mohlare wa Gagwe o hlatsela. Re bona matšoba a Gagwe a bea bohlatse. Re bona Lentšu la Gagwe le hlatsela. Re bona Moya wa Gagwe o hlatsela.

“Re swanetše re dire eng, Ngwanešu Branham?”

²⁴⁰ Welang ntle, welang ntle go tšwa lefaseng. Welang ka ntle ga dilo tše le lego ka go tšona. E no ithekga, feela . . .

“Re tla wela kae, Ngwanešu Branham?”

²⁴¹ Gomela go matsogo a Modimo, e re, “Morena, ntlatše. Ntlatše, O Morena, ka Hlatse ya Gago. A nke Moya wo Mokgethwa e be mohlahli wa ka. A nke A se ke . . . A nke ke se ye go dikologa letšatši le lengwe le le lengwe, ke re, ‘Gabotse, ke—ke—ke nna Mokriste, ga ka swanelo go dira se gomme ga ka swanelo go dira sela.’ A nke ke no maatlafatšwa kudu, ka Moya wo Mokgethwa, gore soulo ya ka e ka se kgone go ema tse.”

O re, “Ke boifa bohlanya.”

²⁴² O se tsoge wa tshwenyega. Ge o wela ka matsogong a Modimo, go ka se be le nthathana e tee ya bohlanya.

²⁴³ Ka go tsošeletšo ya Wales, ge moetapele yo mogolo wa tsošeletšo yela ya Wales. . . Ba rile go yena, ba rile, “O tla ba le sehlopha sa bohlanya.”

²⁴⁴ Mantšu a nnoši a bego a tla bolela, e be e le, “Thekga ditho, gomme o dumelele Moya wo Mokgethwa o be le tsela ya Wona; thekga ditho, le go dumelala Moya wo Mokgethwa.” Ga go le tlhasana e tee ya bohlanya e tsogilego. Aowa, bohole ba tswetšwe ka therešo ke Moya.

²⁴⁵ Tsošeletšo ya Moya wo Mokgethwa! O Modimo, E romele godimo ga kereke ya ka ye nnyane, Tate! E romele godimo ga batho ba ba letilego! Ge re opela pina yela ya kgale, Tate, makga a mantši kudu:

Ba be ba le ka moagong wa godimodimo,
Ba be ba le kwanong e tee bohle,
Ge Moya wo Mokgethwa o theoga
Wo o bego o tshepišitšwe ke Morena wa rena.

O Morena, romela Maatla a Gago feela bjale,
Morena, romela Maatla a Gago feela bjale;
Ee, O Morena, romela Maatla a Gago feela
bjale
Gomme o kolobetše yo mongwe le yo mongwe.

²⁴⁶ Tate Modimo, go tšwa go bana ba bannyane, ke na le basetsana ba babedi le bašemane ba babedi ka kamoreng ye lehono, Morena, baswa; Morena, romela Maatla godimo ga bona. Banna le basadi ba bangwe ba mo ka baswa; ba romela Maatla feela bjale.

²⁴⁷ Bomme ba dutše fa, le botate, mohlomongwe ge ba be ba ehwa lehono, ba be ba swanetše go tshela jo—jo Jorodane, ba nnoši. Gomme, O Modimo, ge ba etla tlase go lela, ba batamela lebopo lela, ge mohemo o le kgauswi le go tloga, legadima le gadima, gomme bogale bja Jehofa godimo ga mmele wa sebe wo o tswetšwego ka sebeng, ka fao ditladi di tla kgakgamolloga gomme legadima la rora, gomme ditladi tše kgolo, le matšibogo a kotsi. O Modimo, a nke ba kgwaparetše feela bjale ka go Jesu, gore ge nako yeo e etla, go tsebeng gore go ne sekgaparetši seo se swerego, seo se tla ba hlahla go kgabaganya letšibogo le lengwe le le lengwe la kotsi. Legadima goba ga se gona se ka go ba nweletša. Ba bolokegile le Jesu. E fe, Morena.

²⁴⁸ Eba le kgaogelo godimo ga rena. Re swarele dibe tša rena. E fe, Morena. Re tlatše ka Moya wo Mokgethwa.

²⁴⁹ A nke re se no kgotsofala, Morena, ka go tšoena kereke le go leka go ba Mokriste, go beng matsapa a mangwe a seng, tsela ye nngwe go leka go tšweletša se sengwe, ba re, “Bjale ke—ke tšoenne kereke, gomme batho ba ya go ntetela go ba Mokriste. Gomme bjale ga ka swanela go dira *se* gomme ga ka swanela go dira *sela* gape, gobane ke Mokriste.” O Modimo, a nke re tloge go tšwa go seemo sela sa Mofarisei; Modimo, sehlopha sela sa baikaketši! O Modimo, ka mokgwa wo mongwe a nke Moya wo Mokgethwa o bolele se ke se rago, Morena. Ga ke kgone go hwetša mantšu go se bolela. Ga re nyake go ba Bafarisei ba maitirelo.

²⁵⁰ Modimo, re tlatše ka bja rena . . . ka Bomodimo. Re tlatše ka Maatla le matšato, go fihla disoulo tša rena di lauma, gore maatla a rena e tla ba Yena. Bopaki bja rena e tla ba Modimo. Mantšu a rena e tla ba a Gagwe. Bodibolo ba tla thothomela. Lefase le tla šikinyega le go rekareka ka tlase ga maatla a Wona, Morena. Ge O ka kgona feela go hwetša batho ba ba ratago go letela Morena!

Bao ba letelago go Morena, ba tla mpshafatša
maatla a bona,
Ba tla hlatloga bjalo ka diphego tša ntšhu,
Ba tla kitima gomme ba ka se lape, ba tla sepela
gomme ba ka se kgathale;
Oo, nthute, Morena, nthute, Morena, go leta.

Nthute go leta ge dipelo di lauma,

Tsošeletšo ye kgolo ye e yago go kgabola naga, ba re ba na le dikete le dikete, le go ya pele, Morena; dilo tše kgolo tša matšoba.

A nke ke kokobetše boikgantšho bja ka, ke
bitše Leina la Gago;
Boloka tumelo ya ka e mpshafaditšwe, mahlo
a ka go Wena,
A nke ke be lefaseng le se O nnyakago ke be,
Morena.

²⁵¹ A nke re ikgafele dikepe tša rena tše nnyane tša go gwamalala, mosong wo, tabarenekele ye nnyane ye ya nama ya dihlong ye re naganago kudu ka yona, go šoma matšatši a mantši bjalo go e boloka lefelong la boiketlo, gomme re phela ka magaeng a makaone le dikoloi tše botse. Gomme, O Modimo, gomme ka gona re Bea mahlo a rena godimo ga seo, le go tšwa go ye kgolo ye mo...tokollo. O Modimo, a re beeleng thoko dilo tše dinnyane tše tša go gwamalala, go tseba gore re di tlogela fa mo lefaseng. A re nyakeng lehumo lela la Legodimo, Moya wo Mokgethwa wola, Hlatse yela ya therešo ya Modimo.

²⁵² Katlego ga se ya ke ya bea bohlatse bja Modimo. Moya o hlatsela Modimo. Ge eba dikerekemaina tša rena di a gola, goba ge eba kereke ya rena e a gola, goba ge eba re ne maloko a mantši kudu, goba ge eba re apara gabotse, goba go otlela dikoloi tše botse, goba go ja dijo tše botse, ke phapano efe seo se e dirago? Re swanetše go e tlogela. Ke botse bofe bjo seo se ka bego se dirile mme wa ka mong letšatši le lengwe, a katana mmogo kua? Gomme ke a lemoga, Morena, dilo tšela ga di bale selo.

²⁵³ A nke mahlo a rena a tsepelele go Jesu, go Moya wo Mokgethwa, a nke A tle ka dipelong tša rena le go ba dihlatsa. A nke re be hlatse ya Gagwe, Morena. A nke re eme ka leemong leo, Tate, gomme re bee bohlatse.

²⁵⁴ Go robetše godimo ga phuluphithi ye mosong wo, go letše disakatuku di se nene, di tšwa go balwetši le go batlaišwa. Modimo, a nke Modimo yola—yola a mphilego Molaetša wo maabane, a nke Modimo yola a boletšego ka Ngwanešu Higginbotham mosong wo gomme o akanyeditšwepele O be o etla, a nke Modimo Yo a bontšhago dipono, a bolele!

²⁵⁵ Ke nyatša diabolo yo mongwe le yo mongwe, le go tšea thaba ye, ka tumelo! Ke wena mang, thaba ye kgolo ya bolwetši, ye e tlago go ema pele ga Morena? Ka baka la eng, o tla ba molala. Ke wena mang, noka goba lewatle la go hwa, leo le tla emago (e ka ba eng e hwilego) pele ga Modimo? Bula tsela ya gago, re tla godimo! Re ya nageng ya tshepišo.

²⁵⁶ Fodiša yo mongwe le yo mongwe wa ba, Morena. Fodiša yo mongwe le yo mongwe yo a dutšego a le gona, yo a babjago.

²⁵⁷ O mang, bolwetši, o nagana gore o mang? Sathane, ke mang o tleleimago go ba yena? Tleleime ye nngwe le ye nngwe o nago le yona e khantshetšwe Khalibari. O mofori. Ga o na le ditokelo. Re emelana le wena, Leineng la Jesu Kriste; bjalo ka mmele wo o tladitšwego ka Moya wo Mokgethwa. Gomme a nke Modimo

yo a ntlhahletšego go kgabola bophelo bja ka, Modimo Yo a fago dipono le go bolela Mantšu a Gagwe ao a diregago, a nke Yena, ka Leina la Jesu Kriste, a rakele bolwetši bjo bongwe le bjo bongwe kgole go tloga go batho ba, mosong wo.

²⁵⁸ O rile, “Bolela, gomme o se belaele, eupša dumela gore se o se boletšego se tla direga, o ka kgonia go ba le se o se boletšego.” Ke mang a dirilego seo? Hlatse ya Modimo e boletše Seo.

²⁵⁹ Gomme ke bea bohlatse mosong wo gore Lentšu leo ke therešo, Sathane, kafao o swanetše go tloga.

²⁶⁰ Motho yo mongwe le yo mongwe ka fa a ka fodišwa gonabjale, Maatla a Modimo a tla godimo ga bona, a fodiša yo mongwe le yo mongwe! Tumelo, tumelo, yeo—yeo tumelo ya kgonthe; e sego yela ya go holofela bjalo, e sego yela ya dira go loka; eupša Modimo yola wa go swana mong yoo a boletšego Lentšu, a wela godimo ga batho ba! Ba tlatše ka tumelo. Ba tlatše ka Moya wo Mokgethwa. Ba tlatše, le go ba dira dihlatse, Morena, gore rena mo khoneng ye re tla ba hlatse go Wena, hlatse gore O a phela: Hlatse ya therešo.

²⁶¹ Bošegong bjo re tla tafoleng ya selalelo, go tšea di—di ditshetlana, diphasela tše nnyane tše di emelago mmele wa Morena wa rena Jesu, le go nwa Madi a Gagwe.

²⁶² Modimo, hlwekiša dipelo tša rena tša sebe. Ke a itelela nnamong le kereke ye. Re a fokola, Morena. Ga re na maswanedi. Ke rena kereke ye e ipolelago, gomme ga se ra dira dilo tše re di tleleimilego. Ga se ra dumelela Moya wo Mokgethwa go re tšeela mošola, ka bottlalo. Re tletše sebe. Ka seo, re ra gore, Morena, re a kamaka. Re a boifa. Oo, re dire re lewe ke hlong ka dipoifo tša rena tša sebe, le go re tlatše ka bohlatse bja Moya wo Mokgethwa.

²⁶³ Gore re kgone go ba le Moya wa Modimo o šoma kudu magareng ga rena fa go fihla makgolo a tla dula ka tlase ga maatla a Modimo, a roromela, ka monagano ohle wa bona le marato go tloga go dilo tša lefase, le se re nago le sona, se re nago naso. Morena, barutwa ga se ba nyaka selo sa seo. Ba beile... Ba rekišitše tšohle ba bilego le tšona le go di bea mo maotong a baapostola, go fepa bahloki. Modimo, romela Moya wo Mokgethwa ka mokgwa woo, gore re ka se nagane ka dilo tše re lego beng, dikhomotšo tše O re filego tšona. Re boifa go tlaišega gannyane, goba go boifa re ya go ntšhetšwa ntle, goba re ya go hlaiwa ke boroko bjo bonnyane, goba—goba re ya go hlaiwa ke dijo felotsoko. Modimo, ke ipolela dibe tša ka le dibe tša kereke ya ka, ge ke eme fa, ke ketumana ka maatla a Moya wo Mokgethwa.

²⁶⁴ A nke A sepele godimo ga rena, Morena. Gomme ke a dumela O sepela godimo ga rena. A nke re se kgeile diaparo tša rena. A re se kgeile dikgopolo tša rena gape, eupša re kgeile pelo ya rena, re kgeile renabeng go arogana, le go e bea e bulegile fale le go re,

“Modimo, ke na le molato. Nkgoloke gomme o ntire, Morena. Ke nna yo, ntlong ya Mmopi. O nkgeile diripana, Modimo. Mpope. Nkgoloke. Ntlhame. Boka ya kgonthe ya pentecostal hla- . . .”

²⁶⁵ [Ga go selo go theipi—Mor.] . . . eupša Kriste le bakeng sa Kereke ya Gagwe. E fe, O Morena. Gona pono e tla tla go mašemo a šele le go e ka ba kae re tla yago. Balwetši ba tla fodišwa. Bahu ba tla tsošwa.

²⁶⁶ Gomme go ka se be le tshireletšo ya go wela ye re tla e hlokago. Go tla ba le seatla sa Modimo. Ka gore, bjalo ka ge ke boletše mathomong a Molaetša, Tate, bjalo ka ge bophelo bjola bja letlakala bo eya morago modung mo bo tšwago, le go letela sehla se sengwe, re a tseba gore re batamela sehla se sengwe. Re kgona go kwa go fetogga ga seemo, seemo sa semoya. Letšatši leo le kgauuswi le go lokela go hlaba, gomme re tla tsoga ka go wola wo mogolo. . . . Mileniamo.

²⁶⁷ “Gobane rena ba re phelago le go šala re ka se šitiše bona ba ba robetšego, ka gore re bolela se ka taelo ya Morena. Gore, phalafala e tla lla, gomme ba ba hwetšego go Kriste ba tla tsoga, gomme re tla fetolwa, ka nakwana, ka panya ya leihlo.” Ge Morwa yola wa Modimo a thoma. . . . Morwa wa Bophelo.

²⁶⁸ O ka se kgone gape go uta hla—hla hlaku ya bophelo, go tloga letšatšing, bjoo ke bophelo bja dimela. E tla hwetša tsela ya yona ntle go tšwa ka tlase ga khonkhoriti. E tla hwetša tsela ya yona ntle go tšwa ka tlase ga mapokisi. E tla tla go tšwa e ka ba kae, ge letšatši le thoma go phadima.

²⁶⁹ Bontši o sa kgone go uta Bophelo ge Bophelo bjo Bosafelego bo etla, ge Jesu, Yo a nago le Bophelo bjo Bosafelego, le Mofi wa Bophelo bjo Bosafelego.

²⁷⁰ Morena Jesu, ge O etla, mebele ye ya kgale ya go gwamalala e tla fetolwa ka nakwana, gomme bahu ka go Kriste ba tla tsoga. Gomme re tla ba ka go Mileniamo wola, sehla sela sa go latela se segolo seo se tlogo pele, sehla sela sa Gosafelego. Re fetole bjale, Morena, gomme re breakanye gore re kgone go ba badudi ba Mmušo woo.

²⁷¹ Ke ikgafela nnamong, Morena, ka bophelo bjo ke nago nabjo bo šetšego. Ga ke tsebe ke botelele bjo bokae O yago go re tlogela fa, Morena. Ga a gona wa rena a tsebago. Baswa ba ka no re, “Ke nna yo moswa,” eupša re tseba bjang? Ba ka no ba ba sepetše pele ga bošego. Batšofe ba ka no bolela, gore, “Ke ya thwi ka pela,” eupša ba ka no phela go feta baswa. Yohle e ka diatleng tša Gago, Morena.

²⁷² Eupša se re lego, re neela go Wena; soulo ya ka, maatla a ka, pelo ya ka, tšohle tša ka. Re ikgafela ka borena, Morena, godimo ga Aletara. E sego godimo ga ye nnyane ye, aletara ya lefase mo, Morena, eupša go Aletara yela ya kgonthe moo bohole re sekametšego kgahlanong, mosong wo, re lla ka megokgo ya rena. Re Bea godimo ga Aletara yela ya Gosafelego, le go Go

kgopela go re tšea le go re kgoloka, le go re beakanya ka morago ga tsela ya Gago, le go re dira dihlatse. Gomme a nke ba se tsoge ba lebala mosong wo, Molaetša wa “hlatse ya therešo.”

²⁷³ Re ne dihlatse gore re ne dipomo tša athomo tše kaonekaone. Re ne dihlatse re ne lebaka la motšhene le lebaka la dikgerekgere. Eupša, Morena, Mmušo wo o tlago, go ka se be le difofane tša tšete, go ka se be le difatanaga, go ka se be le e tee ya dipomo tše tša athomo. E tla ba Mmušo wa khutšo, lerato, thabo, le bophelo. Re phelela Yena.

²⁷⁴ Efa dilo tše, Tate, ge re e neela go Wena, Leineng la Jesu Kriste. Amene.

²⁷⁵ Ke tla rata go botšiša potšišo ye pele ke tloga. A le dumela Ye go ba Therešo? [Phuthego e re, “Amene.”—Mor.] Ke ba bakae e lego hlatse ya Moya wo Mokgethwa? [“Amene.”] Ke ba bakae ba ka ratago go hlatseya Moya wo Mokgethwa? [“Amene.”] A nke Modimo Yo a ngwadilego Mantšu a, a nke A go fe, ngwanešu le kgaetšedi wa ka, gore o ka se tsoge wa ba le khutšo ye e itšego gape lefaseng le go fihla Moya wo Mokgethwa wola o go tlatša. Ka gore ge eba o le moleloko wa kereke, wa go thabiša, wa go loka, wa therešo, wa go botega; o ka no ba tšohle tša tše, gona o milione wa dimaele go tloga go Modimo.

²⁷⁶ Jesu o rile, “Tate, ga ke rapelele lefase, eupša ke rapelela ba bao O Mphilego, gomme bohole ba ba tla tlago kgauswi le bona, gore ba ke ba bone Letago le Ke bilego le lona le Wena pele ga motheo wa lefase.”

²⁷⁷ Ka gona, ge o etla ka bodiredi bjo, ge o etla ka kereke, Yena ga se a ke a go rapelela. Ge A . . . le tla ka mokgatlo, O . . . Thapelo ya Gagwe ga e re selo go lena. Eupša ge o etla ka hlatse yeo baapostola ba bilego le yona, le ya Moya wo Mokgethwa, thapelo ya Gagwe ke . . . Gomme le a tseba, thapelo ya Gagwe, e ya go arabja. Yeo ke nnete. Gore, re tla abelana, letšatši le lengwe, Letago la Gagwe, la go Mmona ka Letagong leo A bilego le lona pele ga motheo wa lefase.

²⁷⁸ Ke a rapela gore o ka se be le khutšo, le ge e le go khutša le gatee, go fihla o amogetše Moya wo Mokgethwa. Gomme ke a ithapelela ka bonna le ba ba emišitšego diatla tša bona, ba ba nago le Moya wo Mokgethwa. Ke a O bolela. O a O bolela. Eupša, bagwera ba Bakriste, re dumelela Moya wo Mokgethwa wola go dula tuu. Re—re tlwaetše kudu go—go mathaboo a bophelo. Re boifa tlaišego ye nnyane. Re boifa dilo tše. A re beeleng lefase le ka thoko.

Se dume mahumo a lefeela a lefase le,
Ao ka potlako a bolago,
Aga dikholofelo tša rena go dilo tša
Gosafelego,
Di ka se tsoge tša feta!

Swarelela go seatla sa Modimo sa go se fetoge!
 Swarelela go seatla sa Modimo sa go se fetoge!
 Ge ka bagwera ba lefase o tlogetšwe,
 Nno fela o kgorametše go Yena kgauswana!

²⁷⁹ Swarelela go Yena. A nke rena, bjalo ka Bakriste ba ba tteleimago Moya wo Mokgethwa, a nke re be dihlong kudu ka renabeng, a nke re tlaišwe kudu ka moyeng wa rena, gore re ka se tsoge ra kgaotša go fihla re phela, dietša tše di tukago, re tladišwe ka Moya, le go Mo dumelela go šoma ka rena. Ga ke re ka go sehlopha sa bohlanya. Le tseba bokaonana go feta seo. Ke ra ka go ya therešo, tsela ya tlhomphokgolo ya Modimo, ka kolobetšo ya Moya, ka maatla le ponagatšo, go šoma ka go matšatši a a mafelelo, ge re tseba gore bofelo bo kgauswi.

²⁸⁰ Modimo a le šegofatše. Le bile go botega bjale go dula fa nako ye telele, go fihla, ka sešupanako sa ka, e ka ba metsotsø ye lesomepedi morago ga lesomepedi. Go ka no ba thari go feta fao. Eupša e ka ba eng e lego, ke a le leboga bakeng sa šedi ya lena ya go se arogane. Thapelo ya ka, ditšhegofatšo tša ka di be le yo mongwe le yo mongwe wa lena. Ke—ke a le rata.

²⁸¹ O netefaditše go ba mogwera wa ka. Ge ke be ke hloka, o netefaditše go ba mogwera wa ka. Moo ke ge mogwera wa kgontha a laetša ge ba le mogwera. O netefaditše go ba mogwera wa ka.

²⁸² Gomme, bagwera, nka no bolela dilo tše thata le go ripa dilo, go tloga mo. Mohlomongwe le nagana ke nyenyefaditše mokgatlo wa lena goba kerekeleina. Ke be ke sa e re ka mokgwa wola. Ke no ra se: go ba mogwera wa gago, ke swanetše go ba therešo. Ke swanetše go botega.

²⁸³ Ge ke go bone o eya go theoga noka, ka sekepeng se sennyane, gomme ke a tseba tšona diphororo di no ba ka tlase fale, sekepe sela se ka se kgone go katša maphotho ale. Se ka se kgone go e dira. O tla nwelenla. Gomme ge ke go gooleditše, “Etšwa ka sekepeng seo.” Ga se selo ke nago naso kgahlanong le wena. Ke a go rata. Ke no leka go phološa bophelo bja gago.

²⁸⁴ Gomme seo ke se ke se bolelago mosong wo, ge ke bolela dilo tše. Ke ka go kgotlelela ga lerato le kopanelo gore ke a e bolela. Bagwera, ge eba re Mapentecostal, re hloka go šikinya, ge eba re Mabaptist, goba Mamethodist, goba e ka ba eng re ka bago, tšona dikibo tša kereke.

²⁸⁵ Bjalo ka ge ke boletše go Mna. Coots, mmoloki. O rile, “Billy . . .” O be a bolela ka dithero, le go ya pele. Gomme o . . . ka mehla o tla ka gare. Ke Mokatoliki. Ke nagana mosadimogatša wa gagwe ke yena. Ke—ke a dumela ke yena, le yena. Golebjalo, o a tla ka mehla le go ntheetša ke rera. Gomme o tla fase ge ke eya go rapela, o tla kgobokana ka gare, a ema tikologong, gomme re be re bolela ka yona ntle kua. O rile, “Ka mehla ke rata go go

kwa, Billy.” Ke rile, “Mna. Coots, sekibo ga se nke sa fetola go tswalo ya kgomo.”

²⁸⁶ Ge sekibo se le go hereford, e be e le hereford, le go thoma. Le a bona? Sekibo ga se fetole tswalo.

²⁸⁷ Kafao ge o le Momethodist goba Mobaptist, goba ge eba o Mooneness goba Motwoness, goba e ka ba sehlopha sefe sa Pentecostal o lego wa sona, oo, ngwanešu wa ka, sekibo sa gago ga se tsoge sa fetola se o lego sona. O ka no bitšwa Pentecostal, o kibilwe seo, eupša ge o se mopentecostal ka pelong, ka moyeng, ga se wena mopentecostal. Sekibo sela se no ba go kataneng, go nganga.

²⁸⁸ Ya mehleng ya kgale, kgomo ya legola e ka apara sekibo se sebotse, eupša seo ga se e dire. E ka no apara sekibo sa hereford, eupša ga se hereford.

²⁸⁹ O Mokriste ge o tladičwe; gomme ga go tsela ye nngwe. Ga go dithutotumelo, ga go kerekela o ka kgonago go e tšoena, ga go dithapelo tše o ka kgonago go di bolela; tšohle ke ka lefeela. O swanetše go tswalwa ka Moya wa Modimo, goba o lahlegile. “Ntle le ge motho a tswalwa gape, a ka se kgone go bona Modimo.” Yeo ke nnete. O swanetše go tswalwa gape. Gomme go tswalwa gape, o swanetše go tlatšwa ka Moya wo Mokgethwa, maatla a Modimo. Modimo! O swanetše go bula bophelo bja gago le go itahlela ntle wenamong, le go dumelela Bomodimo, Modimo, a age Yenamong ka go wena. Yeo ke Therešo, ngwanešu wa ka, kgaetšedi. Modimo re thuše bohle go E amogela, ke thapelo ya ka.

Ngwanešu Teddy, *Tšea Leina La Jesu Le Wena.*

²⁹⁰ (O tla reng?) [Ngwanešu Billy Paul o bolela le Ngwanešu Branham—Mor.]

²⁹¹ Billy o nyaka ke tsebiše gore a ka se romele ntle dikarata beke ye go lena batho ba le bego le nyaka go tla dikopanong, e ka ba beke ye e latelago, ka gore e šetše e tsebišitšwe.

²⁹² A le rata Morena? [Phuthego e re, “Amene.”—Mor.] Ka pelo ya gago yohle? [“Amene.”] A o ka phagamiša diatla tša gago, go e ena? “Modimo, nthuše. Nthuše, O Modimo, go tšea Leina la Jesu le nna. A nke ke phele Leina la Jesu. A nke ke Mmone, ka khutšo. A nke ke Mo laletše ka pelong ya ka. A nke A tle ka go nna. A nke nna, go tloga letšatši le, Morena, ke be wa Gago ka moka.”

²⁹³ Re ena se, Morena, go Wena, bjalo ka batho, ka morago ga molaetsa wo; gore, ga go kgathale se kerekela, maikutlo afe, se re se dirilego: ge eba re goaleditše, ge eba re goaleditše, ge eba re boletše ka maleme, ge eba re binne ka Moya, goba e ka ba afe a maikutlo a. O Modimo, a nke Moya wo Mokgethwa o e tliše ka dipelong tša batho bjale, go tseba gore dilo tše ga di balwe. Gore, e ageleditše Bomodimo, Modimo, ka dipelong tša rena. E

fe, Tate. Re e kgopela Leineng la Jesu, gore O tla re kgoloka le go re dira ka morago ga thato ya Gago. Amene.

Leineng la Jesu go a inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone,
Ge leeto la rena le fedile.

Leina le bohlokwa . . .

Bjale šikinyang diatla seng sa lena.

. . . bose bjang!
Kholofelo ya lefase le thabo ya Legodimo;
Leina le bohlokwa . . .

²⁹⁴ [Yo mongwe o bolela le Ngwanešu Branham—Mor.] Ke nyaka go dira tsebišo ye nngwe, ke lebetše, ga se ke e tsebe, a ke re, go na le tirelo ya kolobetšo, go latela ye. Ge e ka ba mang fa, yoo a sa kolobetšwago Leineng la Morena wa rena Jesu Kriste, a nke ke re go lena, bjalo ka mohlanka wa Modimo, kolobetšo e bohlokwa go phološo. “Yo a dumelago gomme a kolobetšwa,” gomme a kolobetšwa, “o tla phološwa.” Bjale, ge o se wa kolobetšwa Leineng la Morena wa rena Jesu Kriste, gomme le dumetše go Yena gomme le ipoletše dibe tša lena, etlang bjale pele ka morago ga tirelo ye gomme le ka kgona go kolobetšwa Leineng la Jesu Kriste bakeng sa go tlošwa ga dibe tša lena.

²⁹⁵ Elelwang, Mateo o rile, “Kagona eyang, rutang ditšhaba tšohle, ba kolobetšeng Leineng la Tate, Morwa, le Moya wo Mokgethwa.” Leina la Tate, Morwa, Moya wo Mokgethwa ke Morena Jesu Kriste. “Tate, Morwa, Moya wo Mokgethwa” ke dithaetlele tseo e lego tša Leina la Jesu Kriste. Kereke yohle ya pele e kolobeditše, go fihla matswalo a kereke ya Katoliki, bohle ba kolobeditše Leineng la Jesu Kriste. Tšeang *The Nicene Council, The Fathers*, le go ya pele, ya histori, gomme le tla hwetša, eupša morago ba ile go šomiša dithaetlele sebakeng sa Leina. Rena bjalo ka kereke, sehlopha sa batho, ga go mokgatlo, re dula le Beibele. Ke Leina la Jesu Kriste. Go lokile.

Tšeа Leina la Jesu le wena,
Bjalo ka kotse go tšwa molabeng wo mongwe
le wo mongwe;
Ge meleko go go dikologa e kgobokana,
(Theetšang, o dira eng ge moleko?)
Hema Leina le lekgethwa leo ka thapelo.

Leina le bohlokwa, (Leina le bohlokwa) O bose
bjang!
Kholofelo ya lefase le thabo ya Legodimo;
Leina le bohlokwa, O bose bjang!
Kholofelo ya lefase le thabo ya Legodimo.

²⁹⁶ Inamišang dihlogo tša rena bjale. [Ngwanešu Branham o hama *Tšeа Leina La Jesu Le Wena*—Mor.]

Go wa go ikala maotong a Gagwe,
Kgoši ya dikgoši Legodimong re tla Mo rweša
korone, (Neng?)
Ge leeto la rena le fedile.
Leina le bohlokwa . . .

Ngwanešu Neville.



BOPAKI BJA HLATSE YA THEREŠO NST61-1105
(The Testimony Of A True Witness)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Nofemere 5, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org